



ଦୁର୍ଗା ।

ଶ୍ରୀକ୍ଷୀରୋଦଫ୍ରମାଦ ବିଦ୍ୟାବିନୋଦ  
ଫ୍ରଣୀତ ।

ମୂଲ୍ୟ ୧୦ ଆନା ।

প্রকাশক—

শ্রী গুরুদাস চট্টোপাধ্যায়

২০১, কর্ণওয়ালিস স্ট্রীট, কলিকাতা।

কাল্পিতিক প্রেস

২০, কর্ণওয়ালিস স্ট্রীট, কলিকাতা

শ্রী হরিচরণ শাস্ত্রী দ্বারা মুদ্রিত।

## নিবেদন ।

মার্কণ্ডেয় পুরাণের অন্তর্গত শ্রীশ্রী ৬ চণ্ডীর  
আখ্যান শ্রদ্ধাবান হিন্দুর পরম প্রিয় সামগ্রী ।  
যাহাতে হিন্দু বালকবালিকার জ্ঞাতব্য হয়,  
এইজন্য “ভারতীয় বিদ্যুৎ” প্রণেতা মদীয় স্নেহ  
ভাজন শ্রীমণিলাল গঙ্গোপাধ্যায় সরল বাংলার  
ইহার একটি সংস্করণ প্রকাশিত করিতে  
আমাকে অনুরোধ করেন । কিন্তু কার্যক্ষেত্রে  
অবতীর্ণ হইয়া ইহার কাঠিন্য উপলব্ধি করি-  
য়াছি । সমস্ত দেবীমাহাত্ম্যের আভাস দিতে ত  
পারিই নাই, যেটুকু লইয়াছি, তাহাও আশানু-  
রূপ সরল হইয়াছে মনে করি না । সতরে  
জগদম্বিকার নাম স্মরণ করিয়া ইহা পাঠক  
পাঠিকার করে অর্পণ করিলাম ।

পরিশেষে বক্তব্য এই পুস্তিকা প্রণয়নে  
আমি মদীয় শ্রদ্ধের সূত্র শ্রীঅমিনাশচন্দ্র

মুখোপাধ্যায় সঙ্কলিত “দেবী-মাহাত্ম্যের” সাহায্য  
 লইয়াছি। তাঁহার কৃত বাংলা অনুবাদ এমন  
 সুন্দরও সরল হইয়াছে যে, স্থানে স্থানে তাহা  
 গ্রহণের লোভ আমি সংবরণ করিতে পারি  
 নাই।


সাতক্ষীরা ভবন  
 কাশীপুর  
 ১৫ আশ্বিন,  
 ১৩১৬ সাল।

} শ্রীক্ষীরোদপ্রসাদ শর্ম্মণঃ ।

# উৎসর্গ।

আমার পরলোকগতা ৩মাতৃদেবীর উদ্দেশে  
এই মাতৃ-মাহাত্ম্য অর্পণ করিলাম।





দুর্গা

(১)

আমি তোমাদের কাছে শ্রী দুর্গাদেবীর কথা বলি। এই কথা মার্কণ্ডেয় নামে এক ঋষি বলিয়া গিয়াছেন। ঋষিগণ ঘর সংসার ছাড়িয়া বনে বাস করিতেন, বাকল পরিতেন, ফল মূল খাইয়া প্রাণধারণ করিতেন। আর দিবারাত্রি ভগবানের আরাধনা করিতেন। ধনে মানে তাঁহাদের লোভ ছিল না। ভাল খাইব, ভাল পরিব, অট্টালিকায় বাস করিব এ প্রবৃত্তিও তাঁহাদের ছিল না। গাছের ফলে আর নদীর জলে কোন রকমে তাঁদের ক্ষুধা-তৃষ্ণার নিবারণ হইলেই তাঁহারা যথেষ্ট বোধ করিতেন। দিবারাত্রি ভগবানের চিন্তা করাই তাঁহাদের কাজ ছিল। তাঁহাদের গর্ব



ছুর্গা

অহঙ্কার ঘেঘ ঈর্ষা একেবারেই ছিল না। ক্রোধ  
যে কাকে বলে, তাহা তাঁহারা একেবারেই  
ভুলিয়া গিয়াছিলেন। তাঁহারা সর্বদাই শান্ত  
ভাবে শাস্ত্র চর্চা করিতেন ও সত্য কহিতেন।  
যেখানে তাঁহারা বাস করিতেন, তাহাকে  
লোকে সচরাচর ঋষির আশ্রম বলিত।

সেই সকল আশ্রমে বাঘ, হরিণ, গরু, সিংহ,  
বিড়াল, ইন্দুর, সমস্ত জন্তু এক সঙ্গে বাস  
করিত। এক জন্তু অণু জন্তুকে হিংসা করিত  
না। পাপ কিম্বা মিথ্যা সেই আশ্রমগুলির  
ধার দিয়াও যাইতে পারিত না।

এ হেন সকল গুণের, সকল পুণ্যের  
আধার ঋষি এই কথা বলিয়া গিয়াছেন।  
বলিয়াছেন কেন? জীবের মঙ্গলের জন্ত।  
কেননা এ জগতে তাঁহাদের পাইবার কিছু ছিল  
না। পূর্বেই ত বলিয়াছি, তাঁহারা ধন মান  
যশ কিছুই চাহিতেন না। তবে একটা জিনিষ  
তাঁহারা সর্বদা চাহিতেন। সে জিনিষটা

## দুর্গা

আমাদের কল্যাণ । আমাদের কল্যাণের জন্তই তাঁহারা ঘর সংসার ছাড়িয়া ছিলেন, আমাদের কল্যাণের জন্তই তাঁহারা ঘর সংসারের সুখকে বিসর্জন দিয়া বনবাসী হইয়াছিলেন, কেবল আমাদের কল্যাণের জন্তই তাঁহারা ভগবানের নিত্য পূজা করিতেন ।

কথাটা শুনিয়া তোমাদের কেমন একটা বিষয় বোধ হইতেছে, না? তা যদি হয়, তাহা হইলে এখন আর উপায় নাই । তোমরা বুঝিতে চেষ্টা করিলে অনেকেই বুঝিতে পারিবে । বড় হইলে ঘর সংসার করিলে কাহারও বুঝিতে বাকী থাকিবে না ।

তবে এটা তোমরা সকলেই শুনিয়া রাখ, সত্যই যাঁহাদের জীবনের ব্রত, সেই পুণ্যময় ঋষিদের বাক্য মিথ্যা নয় । শ্রী দুর্গার গল্প শুনিতে একটু বিচিত্র বোধ হইলেও জানিও তাহা মিথ্যা নয় । তাঁহার কথা ভক্তি সহকারে শুন, তোমাদের মঙ্গল হইবে ।

## দুর্গা

প্রতি বৎসর শরৎকালে আমাদের ঘরে মা দুর্গার আবাহন হয়। তোমরা হয়ত বলিবে, “এ কেমন কথা! সকল ঘরে ত মা আসেন না! এখন কয়জনই বা মায়ের পূজা করে?” তোমরা হয়ত বলিবে—“আমরা ঠাকুরমার কাছে গুনিয়াছি, আমাদের গ্রামে আগে কুড়ি পঁচিশ ঘরে মায়ের প্রতিমা আসিত, এখন একটা ঘরেও আসে না! কেহ পূজা করিতে পারে না বলিয়া মায়ের পূজা হয় না। কেহ করিতে চায় না বলিয়া হয় না! আবার এখন এমন লোক অনেক হইয়াছে যাহারা মাকে মানে না, ঋষিবাক্যে বিশ্বাস করে না।”

তা হউক, মা আসেন। আমাদের গ্রামে গ্রামে আসেন, ঘরে ঘরে আসেন। যে ভক্তি করে, তাহার ঘরেত আসেনই, যে ভক্তি করে না, অথবা মাকে মানে না তাহার ঘরেও আসেন। তোমরাত জাননা, তোমাদের হৃদয়ই এক একটা মায়ের ঘর। তোমরা এত

কাল খোঁজ কর নাই। বর্ষেবর্ষে শরৎকালে  
খোঁজ করিয়া দেখিও, তা' হ'লেই বুঝিতে  
পারিবে।

হয়ত কেহ বলিবে, “মা কি শুধু আশ্বিনেই  
আসেন, আর সারা বৎসরটার ভিতরে এক-  
বারও আসেন না?” তা কেন—মা নিত্যা—  
সর্বদাই আমাদের হৃদয়ে আছেন। কিন্তু  
আমরা সকলে সব সময়ে তাতো বুঝিতে পারি  
না! কিন্তু আমাদের উপর মায়ের কি কৃপা!  
কেন তা জানি না, এ কৃপা কতদিন হইতে চলিয়া  
আসিতেছে তাও জানি না। কতদিন চলিবে  
তাও বলিতে পারি না—সমস্তই মায়ের ইচ্ছা—  
কোন যুগ যুগান্তর হইতে বাংলার উপর মায়ের  
এই কৃপা চলিয়া আসিতেছে। এ কৃপা যেন  
বাংলার নিজস্ব। তাই মায়ের কথা আজ  
তোমাদের কাছে বলিতে আসিয়াছি।

বঙ্গভূমি শ্রাম বসন পরিয়া, কুমুদ কঙ্কারে  
কবরী সাজাইয়া, জলে জলে তরঙ্গ তুলিয়া মাকে

দুর্গা

আবাহন করেন। চারিদিকে পুষ্পরূপে আনন্দ  
ফুটিয়া উঠে। স্থলে বায়ুভরে আন্দোলিত ফুল,  
জলে তরঙ্গভরে কম্পিত ফুল, আর তোমরা  
নবপ্রাণভরে সচল ফুল। এই সকল ফুলের  
ডালা লইয়া বঙ্গভূমি প্রতিশরতে মা দুর্গার  
আগমন প্রতীক্ষা করেন।

মানুক আর নাই মানুক, বঙ্গবাসী হিন্দু  
মুসলমান পার্শী খৃষ্টান সকলেই এই সময়ে  
যথাশক্তি আনন্দ অর্জন করিয়া থাকে।

যে ঠাকুর গড়িয়া মায়ের পূজা করে, সে  
আনন্দ পায়; যে না গড়িয়া পূজা করে সেও  
আনন্দ পায়। যে মাকে ভক্তি করে না সেও  
পায়; যে মাকে বিদেষ করে সেও আনন্দ  
পাইয়া থাকে। কেহ ধর্ম্মে, কেহ অর্থে, কেহ  
কামনাপূরণে, কেহ আত্মীয় সন্দর্শনে—কেহ  
দানে, কেহ গ্রহণে—সকলেই অস্বাধিক  
আনন্দের অধিকারী হইয়া থাকে। তুমি নব  
সাজে সাজিয়া আনন্দ পাও, তোমার পিতা

মাতা তোমাকে সাজাইয়া আনন্দ লাভ করেন ।

আনন্দ—আনন্দ—আনন্দময়ীর আগমনে চারিদিকে কেবল আনন্দশ্রোত ! আজ আমি তোমাদিগকে সেই আনন্দময়ীর সমাচার উপহার দিব ।

(২)

অতি পূর্বকালে আমাদের দেশে সুরথ নামে এক রাজা ছিলেন । তিনি প্রজাদিগকে পুত্রের গ্ৰাম পালন করিতেন । সেই জন্ত তাঁহার রাজ্যে প্রজাগণের সুখের অবধি ছিল না ।

রাজা ধার্মিক হইলে প্রজারাও ধার্মিক হয় ।

এই ছয়ে পরম্পরে কেমন একটা সম্বন্ধ আছে । সুরথ রাজার রাজত্বকালে প্রজারা সকলেই ধার্মিক হইয়াছিল । কেহ কাহারও

দুর্গা

প্রতি ঘেঁষ করিত না ; একজন অপরের ধনে  
লোভ করিত না ; সকলেই নিজ নিজ  
উপার্জনে স্ত্রী, পুত্র, কন্যাগণকে পালন  
করিত ; এবং নিজ নিজ অবস্থাতেই সন্তুষ্ট  
থাকিত ।

অতিথি অভ্যাগত আসিলে গৃহস্থ ভক্তি  
সহকারে তাহার সেবা করিত । দেবতা ও  
গুরুজনে তাহাদের অশেষ ভক্তি ছিল ।

ধার্মিকের প্রতি দেবতার প্রসন্ন হন ।  
দেবতা প্রসন্ন হইলে সঙ্গে সঙ্গে প্রকৃতিও  
প্রসন্ন হইয়া থাকেন ।

এই জগৎ সুরথ রাজার রাজত্ব কালে  
প্রভাগণ সুখী ছিল । সময়ে দেশে সুরষ্টি হইত,  
সুবর্ণবর্ণ শস্ত্রভারে পৃথিবী সর্বদা ভারিয়া  
থাকিত । আধিব্যাধি, দুর্ভিক্ষ মহামারী এসব  
কিছুই ছিল না । গৃহস্থের ঘর ধনধান্তে সর্ব-  
দাই পূর্ণ থাকিত । গাভী সকল প্রচুর দুগ্ধ  
দান করিত । নদী সকল দিয়া সকল সময়েই

নির্মল জল প্রবাহিত হইত ; দিঘীসরোবর  
সকল মৎস্যে পূর্ণ থাকিত । জলের উপরে  
জলচর পক্ষী সকল তরঙ্গের সঙ্গে নৃত্য করিত ।  
গাছে গাছে পাখীর গানে আকাশ ভরাইয়া দিত ।  
সেই গানের সুরে সুর বাঁধিয়া সুস্থ বালক বালিকা  
সকল, সুমধুর গানে ও নৃত্যে গ্রাম হইতে  
গ্রামান্তরে আনন্দের ধারা প্রবাহিত করিত ।

কিন্তু দেশের এ সুখের অবস্থা বেশি দিন  
রহিল না । রাজা সুরথের মনে অহঙ্কার  
জন্মিল । প্রথমে তিনি নিজে মাঝে মাঝে  
নগর হইতে বাহির হইয়া প্রজাদের অবস্থা  
দেখিয়া আসিতেন । তিনি যেখানেই যাইতেন,  
সেই ধানেই দেখিতেন, প্রজারা সুখী আছে ।  
যদি কোনও সময়ে কোথাও কোন প্রজার  
অসুখের কারণ হইত, রাজা তখনই তাহার  
প্রতীকার করিতেন । রাজার দৃষ্টির ভয়ে  
বিপদ প্রজাদের ঘরে প্রবেশ করিতে সাহস  
করিত না ।



দুর্গা

এইরূপে কিছুকাল নিজে পরীক্ষা করিয়া রাজা যখন দেখিলেন, প্রজার গৃহে আর অমঙ্গলের চিহ্নমাত্র নাই ; যখন গ্রামে গ্রামে ঘরে ঘরে কেবল শান্তি ভিন্ন আর কিছুই তিনি দেখিতে পাইলেন না, তখন তিনি মনে করিলেন, এইবারে আমার বিশ্রাম লইবার সময় আসিয়াছে। এই মনে করিয়া তিনি পাত্র, মিত্র, অমাত্য, ভৃত্য এই সকলের উপর প্রজাদের তত্ত্ব লইবার ভার দিয়া কিছুদিনের জন্য পুরমধ্যে বাস করিতে লাগিলেন। পাত্রমিত্রেরাই তাঁহার হইয়া রাজ্য করিতে লাগিল। তিনি এক একবার পুরমধ্য হইতে বাহির হইয়া তাহাদের কাছে প্রজাদের সংবাদ লন, তাহারা একবাক্যে বলে প্রজারা বেশ সুখে আছে। তিনি গুনিয়া সন্তুষ্ট হইয়া আবার বাটীর মধ্যে প্রবেশ করেন।

কিন্তু তা কি কখন চলে ! তোমার ঘর তোমার সংসার তুমি না দেখিলে, না দেখিয়া

শুধু চাকর বাকরের উপর ভার দিলে, কখন কি সংসার স্ফূর্ত্তলে চলে! রাজ্য হইতেছে রাজার সংসার। সমস্ত প্রজা তাঁর সন্তান। তিনি প্রজা সকলকে যে চক্ষে দেখিবেন, অন্বে সেরূপ দেখিবে কেন? তাহার উপর রাজা ভগবানের অংশ। তিনি মহতী দেবতা—কেবল মানুষের রূপ ধরিয়া থাকেন। মানুষের রূপ ধরিয়া রাজ্যের মঙ্গল বিধান করেন। তিনি যে দিকে যে বিষয়ে দৃষ্টি দিবেন, সেইদিকে সেই বিষয়েরই কল্যাণ হইবে। রাজা সুরথ পূর্বে গ্রাম হইতে গ্রামান্তরে ঘাইয়া প্রজাদের অবস্থা দেখিতেন। যখন তিনি প্রজাদের প্রতি স্নেহ-নয়নে দৃষ্টিপাত করিতেন, তখনই দেশের যত অকল্যাণ—মারীভয়, অন্বে রাজার ভয়, চৌর-ভয়, অগ্নিভয়—সব দূরে পলাইয়া ঘাইত। এখন ত আর তাহা নাই! রাজা প্রাণীদের ভিতরে থাকেন, স্তত্রাং কর্মচারীরা নিজেরা যাহা ভাল বুঝিতে লাগিল তাহাই করিতে

দুর্গা

লাগিল। পাত্র মিত্র সকলেই ত আর খাঁটী  
লোক হইতে পারে না। সুতরাং সকলে  
ধর্ম বজায় রাখিয়া কাজ করিতে পারিল না।  
কাজেই লুকাইয়া লুকাইয়া রাজ্যে অকল্যাণ  
প্রবেশ করিতে লাগিল।

দেশে একবার পাপ প্রবেশ করিলে  
দেশবাসী সকলকেই সেই পাপ অল্লবিস্তর স্পর্শ  
করে। রাজা হইতে আরম্ভ করিয়া তুচ্ছ  
প্রজা কেহই আর পূর্বের মত ধার্মিক  
রহিল না। রাজা ক্রমে কর্মচারীদের  
চাটুবাক্যের বশীভূত হইলেন, কর্মচারীরা এক  
বলিয়া এক করিতে লাগিল; প্রজাদের মধ্যে  
পরস্পরে আর সেরূপ সদ্ভাব ভালবাসা  
রহিল না।

এমনি সময়ে এক অধার্মিক অনাচার  
রাজা, কোথা হইতে আসিয়া, তাঁহার রাজ্য  
আক্রমণ করিল। সেই অধার্মিক রাজার  
সৈন্যগণও অনাচার। তাহার রাজার সঙ্গে

দলে দলে সুরথের দেশে প্রবেশ করিতে  
লাগিল। সহস্র সহস্র, লক্ষ লক্ষ, কোটি  
কোটি সেই অনাচার রাজার অনাচার প্রজা  
আমাদের দেশ ছাইয়া ফেলিল। ঋষিরা  
তাহাদিগকে যবন বলিয়াছেন। তাহারা  
নানা অখাণ্ড খাইত, হিন্দুর পবিত্র আহারে  
তাহাদের রুচি হইত না।

দেশের মধ্যে প্রবেশ করিয়াই তাহারা  
নিরীহ প্রজাদের উপর অত্যাচার আরম্ভ  
করিল। তাহারা এক ঘর হইতে অণু ঘর,  
এক গ্রাম হইতে অণু গ্রাম, এক নগর হইতে  
অণু নগর, আশুন দিয়া পুড়াইতে লাগিল।  
শস্ত্রের ভাণ্ডার লুণ্ঠন করিল, দুঃখবতী গাভী  
সকলের প্রাণবধ করিতে লাগিল। রাজ্য মধ্যে  
হাহাকার পড়িয়া গেল। রাজা সুরথ ভীক  
ছিলেন না। তিনি এই উৎপাতের সংবাদ  
পাইয়াই, নিজের সৈন্য সামন্ত লইয়া শত্রুদের  
সঙ্গে যুদ্ধ করিতে গমন করিলেন। রাজার

দুর্গা

লোকবল বেশি ছিল। এই যবন রাজা তাঁহার আক্রমণ সহ করা অসম্ভব মনে করিল, তাই সে সম্মুখ যুদ্ধ করিতে সাহস করিল না। সে বুঝিল, কৌশলে রাজাকে হারাইতে না পারিলে চলিবে না। রাজার কর্মচারীদের উৎকোচ দিতে লাগিল। শুধু তাই নয়, লুকাইয়া লুকাইয়া প্রজাদের ভিতরে বিবাদ বাধাইয়া দিল।

যখন রাজার কর্মচারীদের ধর্মবল গেল, আর প্রজারা পরস্পর বিদ্বেষ করিয়া দুর্বল হইল, তখন সে তাহাদিগকে নানালোভে বশ করিয়া আপনার পক্ষ করিয়া লইল। এবং সেই সকল বিশ্বাসঘাতকদিগের সহায়তায় সহজেই রাজা সুরথকে পরাস্ত করিয়া দিল।

ঋষি বলিয়াছেন—“সেই সকল যবনেরা রাজা সুরথের অপেক্ষা বলহীন হইলেও, তাঁহাকে যুদ্ধে পরাভূত করিয়াছিল।”

পরাস্ত হইয়া রাজা নিজের রাজধানীতে

## দুর্গা

ফিরিয়া আসিলেন। এবং রাজধানী বেড়িয়া একটু সামান্য মাত্র দেশ লইয়া রাজত্ব করিতে লাগিলেন। কিন্তু শক্ররা তাঁহাকে সেখানেও থাকিতে দিল না। তাঁহার সেই অধাশ্রিত দুর্গা অমাত্য সকল তাঁহাকে দুর্বল বুঝিয়া, তাঁহার হাতীঘোড়া, টাকাকড়ি সব লুণ্ঠিয়া লইল, এবং তাঁহাকে একবারে ক্ষমতাহীন করিয়া ফেলিল।

এরূপ অবস্থায় তিনি আর দেশে কেমন করিয়া থাকিতে পারেন! ক্ষমতা গিয়াছে, ধন গিয়াছে, শুধু প্রাণটি এখনও যাইতে বাকী আছে। রাজা প্রাণ রাখিতে ঘর ছাড়িতে প্রস্তুত হইলেন।

এক দিন শীকারের ছল করিয়া তাঁহার প্রিয় ঘোড়াটিতে চড়িয়া তিনি নগর পরিত্যাগ করিলেন। তাঁহার সাধের রাজধানী পিছনে পড়িয়া রহিল। নগর হইতে বাহির হইয়াই অশ্ব তাহার প্রভুকে পৃষ্ঠে লইয়া ছুটিল।

ভূর্গা

দেখিতে দেখিতে কত গ্রাম কত নগর অতিক্রম  
করিয়া গেল। সাতারিয়া কত নদী পার  
হইল, কত পর্বত লঙ্ঘন করিল তাহার  
সংখ্যা রহিল না। দূর দূর—কত দূর গিয়া  
অশ্ব রাজাকে লইয়া এক গহনবনে প্রবেশ  
করিল।

(৩)

সেই বনে মেধস নামে এক ঋষির আশ্রম  
ছিল। রাজা সেই আশ্রমে উপস্থিত হইলেন।

পথে আসিতে আসিতে দেখিলেন,  
বিধর্মীরা সমস্ত দেশ অধিকার করিয়াছে।  
সঙ্গে সঙ্গে পাপ দেশটাকে ছাইয়া ফেলিয়াছে।  
কেবল একটী স্থানে সে প্রবেশ করিতে পারে  
নাই। সে এই ঋষির আশ্রম।

সে আশ্রমের শোভার কথা তোমাদের  
কেমন করিচা বলিব! হৃদয়ে সে ভাব কই?  
প্রকাশ করিতে পারি, এক্ষণ কথা কই?

## ভূর্গা

সে ছবি আঁকিয়া তোমাদের নির্মল চক্ষের  
উপর ধরিতে পারি, এমন ক্ষমতা কই !  
আমার সে শোভা দেখিবার চক্ষু নাই,  
বুঝিবার মর্ম্য নাই, আঁকিবার তুলি নাই ।  
বর্ণপাত্র অভক্তির মসীতে পূর্ণ করিয়াছি,  
আমি কোন্ সাহসে পবিত্র ঋষির পবিত্র  
অধিষ্ঠান ভূমির চিত্র তোমাদের সম্মুখে উপস্থিত  
করিব ? ব্যাঘ্রে ৭ গাভীতে এক ঘাটে জল  
খায়, মৃগশিশু সিংহের সহিত খেলা করে,  
ভেক সাপের কণায় নৃত্য করে,—এ সকল  
কথা এখন কে বিশ্বাস করিবে ? বৃক্ষ সকল  
অতিথিকে দেখিয়া শাখা ছুলাইয়া আহ্বান  
করে, কোকিল পাখিয়া গাছ ছাড়িয়া অতিথির  
স্বন্ধে বসিয়া আবাহনগানে দিক পূর্ণ করে,  
একথা যে বলিবে লোকে তাহাকে পাগল না  
বলিয়া কি বলিতে পারে ?

লোকে বলে বলুক, তোমরা কিন্তু তোমা-  
দের নির্মল চিত্তে কল্পনায় সেই ছবির একটি



দুর্গা

প্রতিবিম্ব তুলিয়া লও ; নিজেরাই চিত্রকর হইয়া  
আশ্রমের শোভার মর্ম্য অনুভব কর । তাহা  
হইলে বড়ই আনন্দ পাইবে । যাহারা এ সব  
গল্প বলিয়া মনে করে, উপত্যাস বলিয়া  
প্রচার করে, তাহাদেরই দেশের কত  
লোক এইরূপ গল্প রচনা করিয়া নিজেরাও  
আনন্দ ভোগ করিয়াছেন, পাঁচ জনকেও  
দিয়াছেন । এমন কি আজিও দিতেছেন ।

আশ্রমে মেধসমুনি স্থির হইয়া বসিয়া-  
ছিলেন । তাঁহাকে চারিদিকে ঘেরিয়া শিষ্যগণ  
বেদগান করিতেছিল । আশ্রমঘারে মৃগ,  
গাভী, একত্র শুইয়া ছিল । শুইয়া শুইয়া  
চক্ষু মুদিয়া রোমন্থন করিতে করিতে তাহারা  
যেন বেদগান শুনিতেন । হস্তী গানের  
তালে শুও ছুলাইতেছিল, সিংহ অতি উল্লাসে  
কেশর কম্পিত করিতেছিল, পাখী নাচিতে-  
ছিল । এমন সময় রাজা অশ্ব হইতে অবতীর্ণ  
হইয়া মুনিকে প্রণাম করিলেন ।

## দুর্গা

যিনি ঋষি তিনি তিন কালের খবরই বলিতে পারেন। একস্থানে বসিয়া আছেন, তবু পৃথিবীর কোথায় কি হইতেছে, তাঁহার জানিতে বাকী থাকে না। তিনি চক্ষু মুদ্রিয়াও সমস্ত দেখিতে পান। রাজাকে কখন না দেখিলেও তিনি তাঁহাকে চিনিতে পারিলেন; এবং তাঁহার কি অবস্থা হইয়াছে বুঝিতে পারিলেন। তিনি রাজার উপযুক্ত অভ্যর্থনা করিলেন, এবং তাঁহার আশ্রমে আতিথ্য গ্রহণ করিতে অনুরোধ করিলেন। মুনির অনুরোধ—রাজা না বলিতে পারিলেন না। তিনি সেই আশ্রমে বাস করিতে লাগিলেন।

কিন্তু এমন শান্তিময় আশ্রমে বাস করিয়াও রাজা মনে শান্তি পাইলেন না। দিবারাত্রি যখন তখন তাঁহার রাজ্যের কথা মনে উঠিতে লাগিল। তাঁহার সেই সোনার দেশ, সেই সোনার দেশে সোনার অটালিকা—সেই অটালিকার ভিতরের মণিমাণিক্য, অতুল

দুর্গা

ধনরাশি, তাঁহার হস্তী, অশ্ব, গো,—ঐশ্বৰ্য্যের চিহ্ন সমুদায় সবার উপর তাঁর প্রাণ হইতেও প্রিয়তর প্রজা—সকলে এক সঙ্গে প্রবল চিন্তারূপে ভিখারী রাজার মনটাকে আঁকাড়িয়া ধরিল। রাজা তাহাদের ছাড়িতে চাহিলে তাহারা ছাড়িতে চাহিল না।

রাজা কখন ভাবেন—“ভৃত্যগুলা আমার পূর্বপুরুষ হইতে পালিত হইয়া আসিয়াছে। তাহারাই কিনা শেষে বিশ্বাসঘাতক হইয়া আমার রাজ্যকে শত্রুর হাতে ধরিয়া দিল! সেই সকল দুষ্টলোকের হাতে রাজ্যশাসনের ভার পড়িয়াছে। তাহারা কি ধর্ম্মজ্ঞানে রাজ্যশাসন করিবে? তাহারা কি প্রজাদের সুখে রাখিতে পারিবে?” কখন ভাবেন, “আমার সেই প্রিয়হস্তী—আমাকে দেখিলে যে শুণ্ড তুলিয়া, পাহাড়ের মতন প্রকাণ্ড দেহটা ছুলাইয়া, আমার কাছে কত আনন্দ দেখাইত, সে কি বৈরীগুলার হাতে পড়িয়া সেরূপ সুখে

আছে ? আর কি কেহ তাহাকে সেরূপ  
 করিয়া আদর করে, যত্ন করিয়া আহাৰ দেয় ?”  
 কখন চিন্তা করেন—“ভৃত্যেরা পূর্বে আমার  
 অনুগত ছিল। এখন তাহারা উদরের দায়ে  
 অন্য রাজার সেবা করিতেছে। প্রভু ও ভৃত্যের  
 ভিতরে যে মমতা থাকা কর্তব্য, তা তাহাদের  
 নাই। প্রভু ভৃত্যকে বিশ্বাস করিবে না, ভৃত্যও  
 প্রভুর কাজ আর নিজের মত ভাবিয়া করিবে  
 না। যে যার নিজের সুখের জন্ত ব্যস্ত  
 থাকিবে। এ উহার মুখ চাহিবে না। কাজেই  
 আমোদপ্রমোদে অগাধ অর্থ ব্যয় হইয়া যাইবে।  
 তাহাতে হইবে কি ? সৰ্বদা ব্যয় করিতে  
 করিতে আমার অতিদুঃখে সঞ্চিত ধনরাশি ক্ষয়  
 করিয়া ফেলিবে।”

রাজা সকল সময়ে কেবল এই প্রকার  
 চিন্তা করিতে লাগিলেন। তোমরা এখনও  
 ভালরূপ জান না চিন্তার শক্তি কি ? সে  
 একবার মনকে আশ্রয় করিতে পারিলে,

ছুর্গা

তাহাকে ত্যাগ করা বড় কঠিন। বরং বাধ  
ভালুককে তাড়াইয়া দেওয়া সহজ, কিন্তু  
চিন্তাকে মন হইতে তাড়াইয়া দেওয়া সহজ  
ব্যাপার নয়। ঋষিরা বলেন, চিন্তার সঙ্গে  
যুদ্ধ করিয়া যিনি জয়লাভ করিয়াছেন, তিনিই  
বড় যোদ্ধা, তিনিই পৃথিবীর মধ্যে  
সর্বশ্রেষ্ঠ বীর।

রাজা সুরথ চিন্তার জালায় অস্থির হই-  
লেন। তিনি কখন উঠেন, কখন বসেন, কখন  
বা তপোবনের চারিদিকে ঘুরিয়া বেড়ান।  
প্রাণে তাঁহার এক মুহূর্তের জ্ঞানও শান্তি  
রহিল না।

(৪)

এক দিন ঘুরিতে ঘুরিতে তিনি দেখিলেন,  
সেই মূনির আশ্রম সমীপে একজন লোক  
তাঁহারই মতন ঘুরিয়া বেড়াইতেছে। সে  
ব্যক্তিও তাঁহার মত কোন ছুঃখী হইবে বিবেচনা

করিয়া, তিনি তাঁহার নিকটে গিয়া জিজ্ঞাসা  
কহিলেন—“তুমি কে ? এখানে তুমি কি জন্ত  
আসিয়াছ ? তোমাকে শোকাব্বিত ও বিমনার  
মত দেখিতেছি কেন ?”

সে ব্যক্তি বলিল—“আমার নাম সমাধি ।  
আমি জাতিতে বৈশ্য ; ধনীবংশে জন্মগ্রহণ  
করিয়াছি ।”

রাজা বলিলেন—“তবে তোমার এ দশা  
দেখিতেছি কেন ?”

সমাধি উত্তর করিলেন—“ধনের লোভে  
আমার স্ত্রী ও পুত্রগণ আমাকে ঘর হইতে  
বাহির করিয়া দিয়াছে । তাহারা আমার  
সমস্ত ধন হরণ করিয়া লইয়াছে । তাই মনের  
দুঃখে আমি বনে আসিয়াছি ।”

রাজা ভাবিলেন,—“মন্দ নয় ; এ বনেও  
তাঁহার যোগ্য সঙ্গী মিলিয়াছে !” সেই তপো-  
বনে একমাত্র তিনি ভিন্ন আর সকলেই সুখী ।  
তাহারা যে শুধু সুখী ছিল, তা’ নয়, দুঃখ

দুর্গা

যে কাকে বলে তাহাও তাহারা জানিত না।  
সুতরাং রাজার অবস্থার মর্ম তাহারা কেহই  
ভালরূপ বুঝিতে পারিত না। রাজা তাহাদের  
সহবাসে সুখ পাইতেছিলেন না। এইবারে  
মনের দুঃখ বুঝিবার লোক মিলিয়াছে বুঝিয়া  
তিনি সমাধিকে পাইয়া আনন্দিত হইলেন।  
তিনি তাহাকে আখ্যায়িক দিলেন—“আমিও  
তোমার মত সর্বস্ব হারাইয়াছি। হারাইয়া  
এই বনে আসিয়াছি। তা’হলে এস, আমরা দুই  
জনে পরস্পরের সঙ্গী হইয়া বনে বাস করি।”

সমাধি বলিল—“তাই বা কেমন করিয়া  
করি! আমি এখানে থাকিয়া পরিবারগণের  
কোনও সংবাদ পাইতেছি না, কে কেমন আছে  
কিছুই জানিতে পারিতেছি না।”

রাজা বলিলেন—“যে স্ত্রী, যে পুত্র অর্থ-  
লোভে তোমাকে দূর করিয়া দিয়াছে, তাহা-  
দের জন্ত তোমার মন স্নেহে আবদ্ধ হইতেছে  
কেন?”

## দুর্গা

সমাধি বলিল—“আপনি যাহা বলিলেন, তাহা ঠিক ; কিন্তু কি করি আমার মন ত কিছুতেই এ কথা বুঝিতেছে না ! যাহারা ধনের লোভে আমার মমতা পরিত্যাগ করিয়াছে, আমিও ক্রমে সেই স্ত্রী-পুত্রের মমতা পরিত্যাগ করিতে পারিতেছি না। তাহাদের জন্ত আমার দীর্ঘনিশ্বাস পড়িতেছে, চিত্ত বিকল হইতেছে। তাহারা আমাকে চায় না, অথচ তাহাদের প্রতি আমার মন কিছুতেই নিষ্ঠুর হইতে পারিতেছে না। কেন যে এরূপ হয়, আমি বুঝিয়াও বুঝিতেছি না— আমি করি কি ?”

সমাধির কথা শুনিয়া রাজার চৈতন্য হইল। তিনি মনে মনে বলিলেন—“তাই ত ! আমিই বা এতদিন কি করিতেছিলাম ! কোথায় আমার রাজ্য, আর কোথায় আমার ধন ? প্রজা প্রজা যে করিতেছি—সেই প্রজাই বা আমার কোথায় ? রাজ্য শক্রতে



হুর্গা

লইয়াছে, অমাত্যগণ বিদ্রোহী হইয়াছে,  
প্রজাগণ এখন তাহাদের আশ্রয় করিয়াছে।  
সেখানে আমার বলিবার আর কিছু নাই।  
তবু আমি আমার আমার করিয়া তাহাদের  
চিন্তায় পাগল হইতেছি কেন ?

( ৫ )

রাজা সমাধিকে সঙ্গে লইয়া মুনির নিকট  
উপস্থিত হইলেন, এবং তাঁহাকে প্রণাম করিয়া  
প্রশ্ন করিলেন,—“ভগবন্! আমি আপনাকে  
একটি রহস্য জিজ্ঞাসা করিতে ইচ্ছা করি,  
উপদেশ দিয়া সেটি আমাকে বুঝাইয়া দিন।  
মনকে বশ করিতে না পারায় আমার যে দুঃখ  
হয়, ইহার কারণ কি ? আমার রাজ্য শত্রুতে  
অধিকার করিয়াছে। বুঝিতেছি, দুঃখ  
করিলে তাহাকে ফিরিয়া পাইব না, তথাপি  
সে রাজ্যের প্রতি আমার মমতা যাইতেছে না,  
ইহারই বা কারণ কি ? এই বৈশ্যের পুত্রগণ,

## হুর্গা

স্ত্রী, ভৃত্যগণ সকলে মিলিয়া ইহাকে গৃহ হইতে বাহির করিয়া দিয়াছে। ইহার বন্ধুগণের কেহই এই দুঃসময়ে ইহাকে তাহাদের ঘরে স্থান দেয় নাই; অথচ এই ব্যক্তি তাহাদের জন্ম স্নেহে ব্যাকুল হইয়া রহিয়াছে। আমরা বুঝিতেছি আমাদের নিজের বলিয়া কিছুই নাই, তবু আমরা দু'জনেই আমার আমার করিয়া অস্থির হইতেছি, ইহারই বা কারণ কি? আমাদের উভয়েরই ত জ্ঞান আছে! যাহারা অজ্ঞান, তাহারাই ত এইরূপ দুঃখ করে, তবে আমরা করিতেছি কেন?"

ঋষি রাজার এই প্রশ্নে যে উত্তর করিয়াছিলেন, তাহা সমস্ত বলিলে তোমাদের পক্ষে বুঝা কঠিন হইবে। শুধু তোমাদের কেন, আমাদের দেশে এখন কয়জনই বা এমন জ্ঞানী আছেন যে, ঋষিগণের পবিত্র উপদেশ বুঝিতে পারেন? বুঝিতে পারিলে আমাদের এত দুর্দশাই বা হইবে কেন? কেহ বুঝিতে

হুর্গা

পারেন না, কেহ বা বুঝিতে চেষ্টা করেন না।  
ফলে, প্রায় সকলেই ঋষিবাক্যে অবিশ্বাস  
করিয়া নিশ্চিন্ত হন। পুত্ররাং ঋষি যাহা  
বলিয়াছিলেন, আমি তোমাদের তাহার সামান্য  
ভাবার্থ শুনাইব।

ঋষি বলিলেন—“তোমাদের জ্ঞান আছে,  
এ কথা কে বলিল?”

রাজা বলিলেন—“কেন প্রভু, আমাদের  
মন যে বলিতেছে!”

ঋষি বলিলেন—“মহারাজ! তোমাদের  
যে জ্ঞান, এ জ্ঞান পশুপক্ষীতেও আছে! তবে  
তোমরা যদি জানী হও, তাহ'লে তাহারাই বা  
জানী হইবে না কেন?”

একি কথা! ঋষির মতে পশু ও আমরা  
সমান হইলাম! কথাটা ত বড় কঠিন হইয়া  
দাঁড়াইল! অথচ পূর্বেই বলিয়াছি, ঋষিরা  
ভুলেও মিথ্যা কহিতে জানিতেন না।  
তবে আমরা এতকাল যে জ্ঞানের অহঙ্কার

দুর্গা

করিয়া আসিতেছি, সেটা কি জ্ঞানই নয় ?  
মুনিবর মেধস রাজাকে বলিতে লাগি-  
লেন—“মহুষ্য়গণ জ্ঞানী ইহা সত্য বটে,  
কিন্তু কেবল তাহা'রাই যে জ্ঞানী এমন নয়।  
পশু, পক্ষী, মৃগ প্রভৃতি সকলেরই জ্ঞান  
আছে। ইহাকেই সাধারণ জ্ঞান বলে।  
ইহা মানুষেরও যে'রূপ, ইতর প্রাণিগণেরও  
সেইরূপ। মা যেমন ক্ষুধায় কাতর হইলেও,  
ক্ষুধার্ত্ত সন্তানের মুখে আহার না দিয়া নিজে  
আহার করেন না, পক্ষিগণও সেইরূপ করিয়া  
থাকে। সামান্য জ্ঞানসম্বন্ধেও ইহারা শাবকদের  
প্রতি কেমন মমতা দেখায় দেখ। নিজে  
ক্ষুধায় কাতর, তথাপি শাবকের চঞ্চুতে নিজের  
মুখের আহার তুলিয়া দিতে ব্যগ্র হইয়া  
থাকে ! “আমরা যেমন সন্তানগণকে পালন  
করিতেছি ; আমাদের বৃদ্ধ বয়সে, যখন  
আমরা অশক্ত হইব, তখন সন্তানগণও  
আমাদিগকে এই ভাবে পালন করিবে,” এই

ছুর্গা

আশাতেই না লোকে পুত্রগণের প্রতি মমতা দেখাইয়া থাকে, ইহা কি দেখিতে পাও না ?”

অনেকেই হয় ত বলিবেন—“একি কথা ! কবে পুত্র আমাদের ভরণপোষণ করিবে, অশক্ত দেখিয়া সেবা করিবে, এই আশাতেই কি আমি প্রাণপাত করিয়া পুত্র কন্যাদের পালন করিতেছি ?” অনেক মা হয়ত বলিবেন—

“আমার গোপাল আবার বাঁচিবে ! বাঁচিয়া আমার সেবা করিবে ! সে বাঁচিয়া সুখী থাকে, আমি দেখিয়া মরি । তাহার সেবার আমার কাজ নাই ; আমি সেবা করিতে হয় করিয়া যাই । তবে ঋষি সুরথরাজাকে যে কথা বলিলেন, এ কথা কেমন করিয়া বিশ্বাস করিব ?”

আমাদের অল্পজ্ঞান, আমরাই বা কেমন করিয়া ইহার উত্তর দিব ? ইহার উত্তরে আমি এই মাত্র বলিতে পারি, নিজেকে নিজেকে জিজ্ঞাসা করিলেই, এ প্রশ্নের উত্তর মিলিবে । এ উত্তর প্রশ্ন কর্তা নিজেকে যেমন দিতে

পারিবেন, অস্ত্রে সেরূপ পারিবে না। সাধুরা বলেন, সাধারণ মানুষের যে অপরকে ভালবাসা সে নিজের সুখের জন্ত, পরের জন্য নয়। ভাই নিজেকে ভালবাসেন বলিয়াই ভাইকে ভালবাসেন; পিতা ও মাতা আত্ম-প্রীতির জন্যই সন্তানকে স্নেহ মমতা দেখাইয়া থাকেন।

যিনি শুধু ভালবাসিবার জন্যই তাঁহার ভাই ভগিনীগুলিকে ভালবাসেন, তিনি আমাদের সকলেরই ভাই; যে পিতা ও যে মাতা শুধু পুত্র কন্যারই মঙ্গলার্থে তাহাদের প্রতিপালন করিয়া থাকেন, তাঁহার সাধারণেরই জনক জননী। তাঁহাদের পুত্র কন্যা তাঁহাদের কাছে যেরূপ স্নেহ ও মমতা পাইয়া থাকে, আমরা যদি কখন তাঁহাদের দ্বারস্থ হই, তাহা হইলে আমরাও সেইরূপ স্নেহমমতা তাঁহাদের কাছে পাইবার প্রত্যাশা করি। সুখে আনন্দ, দুঃখে শান্তি—এই

ছুর্গা

মমতা-ফুলের ডালা তাঁহারা শুধু তাঁহাদের  
ছেলে মেয়েদের জন্য তুলিয়া রাখেন নাই।  
অনাথ, আতুর যে কোন অতিথি যখনই  
তাঁহাদের দ্বারে উপস্থিত হউক না কেন,  
তখনই তাহারা সেই অঞ্জলিভরা কুমুম-  
সৌরভে মত্ত হইয়া আসে। ইহার নাম দয়া।

সাধারণতঃ যাহার আকর্ষণে আমরা পুত্র  
কন্যা সহোদর আত্মীয়স্বজনকে আপনার  
করিয়া লইয়াছি, তাহার নাম মায়ী। এই  
মায়ীই অগতের সমস্ত জীবকে আচ্ছন্ন করিয়া  
রাখিয়াছে।

রাজা সুরথ ঋষির তীব্রবাক্যে ক্ষুব্ধ  
হইলেন না। তিনি সেই মহাপুরুষের  
সত্যতায় বিশ্বাস করিয়া করযোড়ে বলিলেন—  
কেন এমন হয়? কে প্রভু এরূপভাবে  
আমাদিগকে সংসারে লিপ্ত করিয়াছে?

ঋষি বলিলেন—“মহামায়ী। তিনি আত্ম-  
শক্তি। তিনিই এই অগতকে মোহিত করিয়া

দুর্গা

রাখিয়াছেন। মহারাজ ! এই মোহ বিষয়ে  
বিস্ময় বোধ করিও না। এই মোহ অথবা  
মায়ী আমাদের সংসার বন্ধনে জড়াইয়া  
রাখিয়াছে।”

রাজা জিজ্ঞাসা করিলেন—“হে ভগবন্ !  
যাঁহাকে আপনি আত্মশক্তি মহামায়ী বলিতে-  
ছেন, তিনি কে ?”

সংসারের জালায় জর্জরিত হইয়া মানুষ  
যখন শান্তির জন্য লালায়িত হয়, যখন স্ত্রী,  
পুত্র, কন্যা, ঘর, বাড়ী, টাকাকড়ি, মানসজ্ঞম  
কিছুতেই সুখ না পাইয়া সুখের একটি অক্ষয়  
ভাণ্ডার খুঁজিবার জন্য সচেষ্টি হয়, তখন তাহার  
মনে সময়ে সময়ে একটি প্রশ্ন উঠে। “আমি  
সংসারে সুখ চাই ; কিন্তু তার পরিবর্তে জালা  
পাই কেন ? আমি শীতল হইতে এদেশে  
আসি ; কিন্তু আসিয়া তাপে জর্জরিত হই  
কেন ?

প্রথম প্রথম মনে এই প্রশ্ন উঠিতে না



## ছর্গা

উঠিতে আমরা আবার সংসারের মমতাসাগরে ডুবিয়া যাই। আবার যখন ঋস বন্ধ হইবার উপক্রম হয়, তখন তরঙ্গের উপর মাথা তুলিয়া আবার এই প্রশ্ন করি। ক্রমে যখন একরূপ মনে হয় যে, এই প্রশ্নের যথার্থ উত্তর না পাইলে আমাদের আর নিস্তার নাই, তখন কোন এক অভাবনীয় অচিন্তনীয় শক্তি কোথা হইতে কেমন করিয়া, আমাদের এক পরমাশ্রীর নিকটে আনিয়া উপস্থিত করে! সেই মধুময় পরমাশ্রীর স্তানরত্নের উপহার লইয়া, কোন অনাদিকাল হইতে যে এক নিভৃত নিকুঞ্জে আমাদের অপেক্ষায় বসিয়া আছেন, তাহা তিনি ভিন্ন আর কেহ বলিতে পারে না। আমাদের শাস্ত্রে তাঁহার নাম গুরু। আমরা প্রাণের আগ্রহে যখন শ্রীগুরুদেবের নিকটে পূর্বেক্ত প্রশ্ন করি, তখন তাঁহার কৃপায় মহামায়া যে কে, তাহার আভাষ পাই। আমাদের যাহার যেমন আগ্রহ, আমরা তদনু-

## ছর্গা

যায়ী সময়ের মধ্যে শ্রীশুকুর শ্রীপাদপদসমীপে উপস্থিত হইয়া থাকি। যে অতি ব্যাকুল, সে শীঘ্রই তাঁহার সন্ধান পায়, যে অল্প ব্যাকুল, তাহার সন্ধান পাইতে কিছু বিলম্ব ঘটে। আসল কথা, প্রাণে বিষম ব্যাকুলতা না জাগিলে তাঁহার সন্ধান মিলে না।

প্রথম প্রথম সুরথ রাজা মেধস মুনির আশ্রমে গিয়াও শান্তি পান নাই। তাঁহার দর্শন পাইয়াও রাজা তাঁহাকে চিনিতে পারেন নাই। যে অন্ধ তাহার চোখের উপর দিয়া সর্বজ্যোতির আধার সূর্য্য চলিয়া গেলেও সে তাঁহাকে দেখিতে পায় না। বিষয়ের প্রতি মমতা রাজার বুদ্ধিটিকে ঢাকিয়া রাখিয়াছিল, তাই মেধসের মহিমা তিনি প্রথমে বুঝিতে পারেন নাই। সমাধির কথা শুনিয়া তাঁহার যখন কিঞ্চিৎ চৈতন্য হইল, আর মুনির কথায় যখন তাঁহার চোখ ফুটিল, তখন তিনি বুঝিলেন, শান্তি ধন সেই বাকল পরা ভিখারীরই কাছে

হুর্গা

লুকান রহিয়াছে। সেই শাস্তির লোভে রাজা মুনিকে জিজ্ঞাসা করিলেন—“ভগবন্! যাহাকে আপনি মহামায়া বলিতেছেন—তিনি কে?” ঋষি যে ভাষায় রাজা সুরথকে মহামায়ার পরিচয় দিয়াছিলেন, তাহার কেবল ভাবার্থ আমি তোমাদিগকে বলিব।

ঋষি বলিলেন, “মহামায়া পরমা জননী অর্থাৎ আদিমাতা। যখন এই জগৎ ছিল না, তখন তিনি ছিলেন। যখন সূর্য্য ছিল না, চন্দ্র ছিল না, তাহা নক্সত্র এই পৃথিবী কিছুই ছিল না, তখন তিনি ছিলেন। তাঁহা হইতেই এই জগৎ সৃষ্ট হইয়াছে। তিনি এই জগৎকে মোহিত করিয়া রাখিয়াছেন বলিয়া তাঁহার নাম মহামায়া। জগৎকে তিনি সৃষ্টি করিয়াই ক্ষান্ত হন নাই। সৃষ্টির সঙ্গে সঙ্গেই তিনি জগৎকে ধরিয়া আছেন, এই জন্ত তাঁহার আর এক নাম জগদ্ধাত্রী। তিনি ধারণ করিয়া না থাকিলে উৎপত্তির সঙ্গে সঙ্গেই এ জগৎের-স্বরূপ হইয়া

যাইত। পূৰ্বেই বলিযাছি, তিনি নিত্য—অৰ্থাৎ সৰ্বদাই তিনি বৰ্ত্তমান আছেন। এই জগত্ৰ তাঁহাৰ আৰ এক নাম সনাতনৌ। তিনি এই জগত্ৰেৰ ৰাণী। মনুষ্য হইতে আৰম্ভ কৰিয়া এই পৃথিবীতে যত জীব আছে, ইহাদেৰ ত কথাই নাই, এ জগতে স্বৰ্গে-মৰ্ত্ত্যে পাতালে যেখানে যত জীব আছে—দেবতা গন্ধৰ্ব যক্ষ-রক্ষ সমস্তই তাঁহাৰ প্রজা। এইজগত্ৰ তাঁহাৰ আৰ এক নাম ঈশ্বৰী।

ঋষি ৰাজা সুরথের কাছে মহামায়ার যে পরিচয় দিলেন, তাহা সকলে বুঝিলে কি? তোমাদের মধ্যে অনেকেই বলিবে, অনেকেই কেন, প্রায় সকলেই বলিবে, কিছুই বুঝিলাম না। না বুঝাই সম্ভব। সুরথৰাজা নিজে জ্ঞানী ছিলেন, এইজগত্ৰ মুনি তাঁহাকে জ্ঞানীৰ মনোমত উপদেশ দিয়াছিলেন।

আমাদের দেশে এখন এমন জ্ঞানী অল্পই আছেন, যাঁহারা মেধস মুনিৰ এই কয়েকটা

ছর্গা

কথা বুঝিতে পারেন। তাহা হইলে এ উপদেশ ত আমাদের পক্ষে কার্যকর হইল না! আমরা যাহা জানিতে চাহিলাম, তাহা ত জানিতে পারিলাম না।

তাহা নয়। ঋষি সুরথরাজাকে শুধু ওই উপদেশ দিয়াই কান্ত হন নাই। পূর্বেই বলিয়াছি ঋষিরা যাহা বলেন, যাহা করেন, সমস্ত জীবের মঙ্গলের জন্ত। সেই মঙ্গলময় ব্রাহ্মণ শুধু কি সুরথকে বুঝাইবার জন্তই উপদেশ দিয়াছিলেন? পার্শ্বে তাঁর নির্ঝাক বৈশ্য সমাধি আগ্রহসহকারে উপদেশ শুনিতেন। সংসারে আবদ্ধ অথচ মুক্তিপ্রয়াসী কত জীব, আপন আপন ঘরে বসিয়া ঋষিবাক্য শুনিবার জন্ত ব্যাকুল হইয়াছিল। ঋষি জানিতেন, তাহারা ত সুরথের মত জ্ঞানী নয়! ঋষি জানিতেন, দূর ভবিষ্যতে অনন্ত কাল সাগরের পারে, এই কলিযুগের সংসারে, কত লোক তাঁহার উপদেশ শুনিবার জন্ত কান পাতিয়া থাকিবে। তাহারাও

ত সুরথের মত স্তানী নয় ! ঋষির সেই মধু-  
ময়ী বাণী আকাশতরঙ্গে নাচিয়া নাচিয়া যখন  
তাহাদের কর্ণকুহরে প্রবেশ করিবে, তখন ত  
তাহারা তাঁহার সেই উপদেশের মধুর বাক্যের  
মর্ম্ম বুঝিতে পারিবে না !

ঋষি তাহা বুঝিয়াছিলেন । বুঝিয়া, রাজা  
সুরথকে উপদেশ দিবার ছলে, সমস্ত জগতের  
জীবকে সন্মোদন করিয়া বলিয়াছেন, “ভক্ত !  
আশ্বস্ত হও । সেই সর্বেশ্বর প্রকাশিকা  
আত্মশক্তি, জগতের আদি জননী নারায়ণী,  
ব্রহ্মা বিষ্ণু শিবেরও ঈশ্বরী শঙ্করী সময়ে সময়ে  
এই মর্ত্যলোকে আবির্ভূতা হন ।” তাঁহার রচিত  
সংসারটীকে নষ্ট করিবার জন্ত মাঝে মাঝে  
এই পৃথিবীতে দানবের উৎপাত হয় । তখন  
ধর্ম্মের ক্ষয়, আর অধর্ম্মের বৃদ্ধি হয় । বৃদ্ধি  
পাইতে পাইতে যখন অধর্ম্মের ভার এত অধিক  
হয় যে, মা ধরিত্রী আর তাহা সহ করিতে  
পারেন না, তখন তিনি কাঁপিতে থাকেন ও

## ছুর্গা

কাঁদিতে থাকেন। সেই রোদনের সঙ্গে সঙ্গে সারা গগন ব্যাপিয়া, সমস্ত দেব-হৃদয় কাঁপাইয়া মায়ের মধুর নামের ধ্বনি উঠে। ধরিত্রীর সঙ্গে সঙ্গে দেবতারা যখন সম্মুখে মাকে আরাধন করিতে থাকেন, তখন জগজ্জননী আর স্থির থাকিতে পারেন না। তখন সাধুদের পরিত্রাণের জন্ত, অসাধুদের ধ্বংসের জন্ত, সনাতন ধর্ম রক্ষা করিবার জন্ত সনাতনী মা আমাদের মধ্যে আসিয়া অবতীর্ণা হন। শক্তিরূপা সনাতনী আপনার বিশ্ব-বিমোহিনী মায়া দ্বারা আপনাকে আচ্ছাদিত করিয়া নারীরূপে আমাদের মধ্যে লীলা করিতে আসেন।

তখন তিনি পিতা মাতার কাছে নন্দিনী, ভ্রাতার কাছে ভগিনী, পতির কাছে জায়া, পুত্র কন্যার কাছে জননী। তখন তিনি দীনের কাছে দয়া, ভূষিতের কাছে জল, রোগীর কাছে সেবা, ক্ষুধিতের কাছে ফুল। তখন

ছুর্গা

কত মুক্তিতে যে মা আমাদের সম্মুখে উপস্থিত  
হন তাহা আর তোমাদের কি বলিব ? তাঁহার  
গুণ বর্ণনা করিয়া শেষ করিতে পারে, এমন  
শক্তি এ জগতে কার আছে ?

তিনি আসিলেই জীবের সকল ছুর্গতির  
অবসান হয় । এইজন্য তাঁহার আর এক নাম  
ছুর্গা । ছুর্গতি নাশিনী ছুর্গাই মহামায়া । ভক্তি  
সহকারে তাঁহার বিচিত্র কাহিনী শুন, তাহা  
হইলেই তিনি কে, আমাদের সঙ্গে তাঁর কি  
সম্বন্ধ বুঝিতে পারিবে ।

মুনি কহিলেন—“মহারাজ ! জগৎ রক্ষার  
জন্য তিনি এক একবার অবতীর্ণা হন ।”

স্বরথ জিজ্ঞাসা করিলেন—“ভগবন্! কোন্  
কোন্ সময়ে তিনি অবতীর্ণা হইয়াছিলেন ?”

মুনি মহামায়ার চরিত্র বর্ণনে প্রবৃত্ত হই-  
লেন ।



ছুর্গা

( ৬ )

একবার মধু ও কৈটভ নামে দুই ভয়ঙ্কর  
অশুর সৃষ্টিকর্তা ব্রহ্মাকে গ্রাস করিবার জ্ঞ  
উগত হইয়াছিল।

বিষ্ণু তখন অনন্ত শয্যায় শুইয়াছিলেন।  
এক মহাসাগরে সমস্ত জগৎটা নিমগ্ন হইয়াছিল।  
ব্রহ্মা বিষ্ণুর নাভি-কমলে বসিয়া জগৎটাকে  
আবার কেমন করিয়া গড়িবেন, সেই চিন্তা  
করিতেছিলেন। এমন সময়ে দেখিলেন, দুইটা  
ভয়ঙ্কর দৈত্য হাঁ করিয়া তাঁহার দিকে ছুটিয়া  
আসিতেছে।

তাহাদের মাথা দুইটা আকাশে ঠেকিয়াছে,  
চারিটা হাত চারিটা দিক অধিকার করিয়াছে।  
অত বড় গভীর সাগরে তাহাদের হাঁটু ও  
পর্যন্ত ডুবাইতে পারে নাই। সেই আকাশে  
ঠেকা মাথার আকাশ জোড়া হাঁ! তাহার  
ভিতরের দাঁতগুলো এক একটা পাহাড়ের মত!

ব্রহ্মা তাহাদের মূর্তি দেখিয়া ভীত হইলেন। মনে মনে বুঝিলেন, “ইহাদের সঙ্গে আমি ত যুদ্ধ করিতে পারিব না।” এই ভাবিয়া তিনি বিষ্ণুকে ডাকিতে লাগিলেন। বলিলেন, “হরি ! উঠ ; দৈত্য ভয়ে আমি ভীত হইয়াছি।”

হরি যোগ নিদ্রায় মগ্ন ছিলেন। স্মরণে ব্রহ্মার কথা তাঁহার কর্ণে প্রবেশ করিল না। অম্বর দুইজন ক্রমেই নিকটে আসিতেছে দেখিয়া ব্রহ্মা মহামায়ার শরণাপন্ন হইলেন। মহামায়া যোগনিদ্রারূপে বিষ্ণুর চক্ষু পলক অধিকার করিয়া বসিয়াছিলেন। মহামায়া ইচ্ছা না করিলে ত বিষ্ণুর নিদ্রাভঙ্গ হয় না ! তাই ব্রহ্মা মহামায়াকে সন্তুষ্ট করিবার জন্ত তাঁহার স্তব আরম্ভ করিলেন।

ব্রহ্মা করজোড়ে বলিতে লাগিলেন - “মা পরমাজননী জগদ্ধাত্রী ! তুমিই যোগনিদ্রারূপে হরির নয়ন কমল আশ্রয় করিয়া আছ। সেই

দুর্গা

নয়ন উন্মীলিত করিয়া দাঁও, হরিকে  
জাগাও ।

স্তব করিতে করিতে ব্রহ্মা দেখিলেন, বিষ্ণুর  
চক্ষু, মুখ, নাসিকা, বাহুদ্বয় এবং বক্ষদেশ  
হইতে এক অপূৰ্ণ জ্যোতি বাহির হইল ! ক্রমে  
দেখিলেন, সেই জ্যোতি পুঞ্জীভূত হইয়া অপূৰ্ণ  
মাতৃমূর্তি ধারণ করিল !

ব্রহ্মা আর কিছু দেখিতে পাইলেন না ।  
যানের আবির্ভাবের সঙ্গে সঙ্গে মহামোহে সমস্ত  
সংসার ভরিয়া গেল । স্বয়ং সৃষ্টিকর্তা ব্রহ্মাও  
তাহা হইতে নিস্তার পাইলেন না । যোগনিদ্রায়  
কমলযোনির নয়ন দুটি আবৃত হইল ।

এদিকে জনাৰ্দ্দন নিদ্রাভঙ্গে অনন্ত শয্যা  
হইতে উখিত হইলেন । উঠিয়াই তিনি সেই  
দুই অক্ষরকে দেখিতে পাইলেন । তাহারাও  
তাঁহাকে দেখিতে পাইল । দেখিবারাত্র  
তাহারা ভগবান হরিকে আক্রমণ করিল ।  
বহুকাল ধরিয়া জনাৰ্দ্দনের সঙ্গে সেই দুই

## ছর্গা

দানবের যুদ্ধ হইল। বহুকাল যুদ্ধ করিয়াও তাহারা পরাস্ত অথবা ক্লান্ত হইল না। তখন মহামায়া তাহাদিগকে মোহ দ্বারা অভিভূত করিয়া ফেলিলেন।

মোহের বশবর্তী হইয়া তাহারা হরিকে কহিল, “তোমার সঙ্গে যুদ্ধ করিয়া আমরা বড়ই তুষ্ট হইয়াছি। তুমি আমাদের কাছে বর গ্রহণ কর।”

অনার্দিন বলিলেন—“বেশ, তোমরা যদি আমাকে বর দিতে চাও, তা’হলে এই বর দাও, যেন আমার হাতে তোমাদের দুইজনেরই মৃত্যু হয়।”

বর প্রার্থনা শুনিয়াই অম্বর দুইটার চক্ষু কপালে উঠিয়া গেল। তাহারা ভাবিল “তাইত! কি করিলাম! ইচ্ছা করিয়া নিজেরাই নিজেদের মৃত্যুকে ডাকিয়া আনিলাম!”

তাহারা একবার চারিদিকে চাহিল।

দুর্গা

দেখিল, সমস্ত জগৎ জলরাশিতে ভরিয়া রহি-  
রাছে। তখন তাহারা মহামায়ার মহামায়াতে  
মোহিত হইয়াছিল। সেই মায়ার ঘোরে দুই  
দানব স্থির করিল, হরিকে বরও দিব, অথচ  
তাহাকে প্রতারণিত করিব। এই ভাবিয়া  
দুইজনে মুখামুখী করিয়া অনেক পরামর্শ  
করিল। তারপর হরিকে কহিল—“তোমার  
সঙ্গে যুদ্ধ করিয়া সুখী হইয়াছি। সেইজন্য  
বরও দিতে প্রতিক্ষত হইয়াছি। তুমি আমা-  
দের মৃত্যুবর চাহিতেছ। তা ভালই করিয়াছ।  
তোমার হাতে মরিতে পারিলে আমাদের  
গৌরব বাড়িবে বই কমিবে না। আমরা  
মরিতে প্রস্তুত আছি। তবে তুমি এমন স্থানে  
আমাদের বধ কর, যেখানে জল নাই।”

দানব দুইজন মনে করিল, আমাদের বরও  
দেওয়া হইল, অথচ প্রাণও রক্ষা হইল।  
কেননা সমস্ত সংসারের মধ্যে এমন একটুও  
স্থান ছিল না যেখানে জল ছিল না। জনাৰ্দন

তাহাদের কথা শুনিয়া ঈষৎ হাস্য করিয়া বলিলেন—“তাহাই হউক।”

এই বলিয়া ভগবান নারায়ণ সেই মহাসমুদ্রে আপনার জানুঘর রক্ষা করিলেন। অসুর দুইজন সবিস্ময়ে দেখিল, তাঁহার দুই জানু দু’টা মহাদেশে পরিণত হইয়াছে! তাহাতে মধু ও কৈটভের ঞ্চার কত দানবের যে স্থান হয়, তাহার সংখ্যা নাই। ব্যাপার দেখিয়া তাহাদের আর কথা কহিবার শক্তি রহিল না। তখন জনাৰ্দ্দন তাহাদের কেশাকর্ষণ করিয়া উভয়কেই জানুর উপর পাতিত করিলেন, এবং খড়্গদ্বারা উভয়ের মস্তক ছেদন করিলেন।

সেই দুই দানবের শরীর দুইটা কত বড় ছিল শুনিবে? তাহারা মরিয়া গেলে তাহাদের দেহ হইতে এত মেদ বাহির হইয়াছিল যে, তাহাতে আমাদের এই প্রকাণ্ড পৃথিবীর সৃষ্টি হইয়া গেল! মধুকৈটভের মেদে সৃষ্ট হই-

দুর্গা

যাছে বলিয়া এই পৃথিবীর আর এক নাম মেদিনী। মধুকে বধ করিয়াছিলেন বলিয়া ভগবানের আর এক নাম মধুসূদন।

মধুকৈটভের মৃত্যুর সঙ্গে সঙ্গে কমল-বোনির নিদ্রাভঙ্গ হইল। তিনি চাহিয়া দেখিলেন, মহাসাগরের জলে একটা অপূর্ব সুন্দর দ্বীপ প্রতিষ্ঠিত হইয়াছে। তাই দেখিয়া তিনি আনন্দে জীব-সৃষ্টি করিলেন। দেব, যক্ষ, রক্ষ, গন্ধর্ষ, মানব, পশু, পক্ষী প্রভৃতিতে আমাদের এই ধরনী ভরিয়া গেল।

মধুকৈটভের বিনাশ না হইলে পৃথিবীর সৃষ্টি হইত না। হরি না জাগিলে মধুকৈটভের বিনাশ হইত না। মহামায়ার কৃপা না হইলে জনার্দন জাগিতেন না, অনন্ত শরনেই গুইয়া থাকিতেন। শুধু মায়ের কৃপাতেই আমরা ধরনীতে স্থান পাইয়াছি। এস আমরা সেই মাকে ভক্তিসহকারে প্রণাম করিয়া ঋষি-কথিত তাঁহার দ্বিতীয় বিচিত্র কাহিনী শ্রবণ করি।

(৭)

এবারেও বহু পুরাকালের কথা। তবে  
মা এবারে অনেকটা আমাদের নিকটে  
আসিয়াছেন।

প্রথম যখন মায়ের আবির্ভাব হইয়াছিল,  
তখন এক অনন্ত সাগর মাত্র বিদ্যমান ছিল।  
সূর্য ছিল না, চন্দ্র ছিল না, তারানক্ষত্র  
কিছুই ছিল না। মানুষ ও জীবজন্তুর কথা  
ছাড়িয়া দিই, দেবতাদের পর্য্যন্ত তখনও জন্ম  
হয় নাই। কেবল এক অন্ধকার, বিরাট  
অন্ধকার সেই অনাদি সময়ে রাজত্ব করিতে-  
ছিল। সে সময়ের কথা—যখন একমাত্র  
নারায়ণ অনন্ত শব্দে শুইয়াছিলেন, সেই  
আদিদেবের সঙ্গে মধুকৈটভের যুদ্ধ—সঙ্গে সঙ্গে  
আত্মশক্তি জগজ্জননী মহামায়ার গীতা—জ্ঞানী  
মহায়া সকলই তাহা বলনার আনিতে অন্ধকারে



ছর্গা

ডুবিয়া যান, আমরা ক্ষুদ্র প্রাণী, আমরা ইহার  
মহদর্থ কি বুঝিব ?

তবে ঋষি-কথিত কাহিনী !—পৃথিবীর  
এই জন্মকথা শ্রবণে পুণ্য আছে—ভক্তিসহ-  
কারে গুনিলে, একদিন না একদিন তোমাদের  
জ্ঞানচক্ষু উন্মীলিত হইবে। তখন মহামায়ার  
কৃপায় তোমরা ইহার অর্থ অনেকটা হৃদয়ঙ্গম  
করিতে পারিবে।

দ্বিতীয় যুগে দেবতাদের সৃষ্টি হইয়াছে।  
ইন্দ্র, বায়ু, বরুণ, কুবের, হতাশন প্রভৃতি দেবগণ  
তখন স্বর্গরাজ্য শাসন করিতেছেন। সূর্য্য  
চন্দ্র তখন নবোল্লাসে আকাশপথে পরিভ্রমণ  
করিতেছেন। মন্দাকিনী তখনও পর্য্যন্ত  
মহেশ্বরের জটা অবলম্বনে হিমালয়ের শুভ্রশির  
স্নাত করিয়া ধরণীতে প্রবাহিতা হন নাই।  
বিষ্ণুপাদ হইতে উদ্ভূত হইয়া তখনও পর্য্যন্ত  
তিনি ব্যোম-গঙ্গারূপে আকাশে তরঙ্গ তুলিয়া  
বিহার করিতেছিলেন। তারাকুল তখন সবে-

## হুর্গা

মাত্র ফুটিয়া স্বর্গের উদ্যান নন্দনে শোভা পাইতে-  
ছিল, এমন সময় দেবরাজ্যে অসুরের উৎপাত  
আরম্ভ হইল।

এবারকার অসুররাজের নাম মহিষাসুর।  
তাহার সহিত দেবগণের একশত বৎসর ধরিয়া  
যুদ্ধ হইয়াছিল। যুদ্ধে দেবতারা পরাসিত  
হইলেন। স্বর্গ মর্ত্ত পাতাল অসুরদের  
অধিকারভুক্ত হইল।

অন্যোপায় হইয়া দেবগণ ব্রহ্মার শরণাপন্ন  
হইলেন। ব্রহ্মা আবার তাহাদিগকে বিষ্ণু ও  
শিবের কাছে লইয়া গেলেন; এবং দেবগণের  
হুর্গতির কথা তাহাদিগকে শুনাইলেন।  
কমলযোনি বলিতে লাগিলেন,—“প্রচণ্ড  
মহিষাসুর দেবগণের সমস্ত অধিকার কাড়িয়া  
লইয়াছে। সূর্য্য, ইন্দ্র, অগ্নি, বায়ু, চন্দ্র, যম,  
বরুণ ও অগ্ন্যাত্ত দেবতাদিগের, এমন কি  
ঋষিগণের স্থানে সেই প্রচণ্ড অসুর একা  
আধিপত্য করিতেছে। দেবতারা এখন

দুর্গা

তাহার ভয়ে মানুষের মত পৃথিবীতে ঘুরিয়া বেড়াইতেছেন। মহিষাসুরের কার্যকলাপ আপনাদিগের নিকটে কহিলাম। আমরা আপনার শরণ লইলাম। এখন কেমন করিয়া তাহার বিনাশ হয়, সেই উপায় বিধান করুন।

এই কথা শুনিবামাত্র মধুসূদনের বিষম ক্রোধ উপস্থিত হইল। “কি! এতবড় স্পর্ধা! আমার প্রিয় দেবতাদিগের স্থান একটা দুর্বৃত্ত অসুরে অধিকার করিয়াছে!” ক্রোধে তাঁহার সর্কশরীর কম্পিত হইয়া উঠিল।

মধুসূদনের ক্রোধ এ কথাটার একটা গূঢ় অর্থ আছে। জ্ঞানী মহাত্মারা বলেন, শ্রীমধুসূদন জগতের সমস্ত প্রাণীর অন্তরে বিরাজ করিতেছেন। তিনি দেবতাদের ভিতরে যেমন আছেন, তেমনি তোমার ভিতরে, আমার ভিতরে, পশুপক্ষী, তরুলতা প্রভৃতির ভিতরেও আছেন। জগতে এমন জীব নাই, এমন স্থান নাই, এমন দৃশ্য নাই,

দুর্গা

বাহার ভিতরে মধুসূদন নাই। এইজন্য  
হিন্দুরা প্রাতঃকালে শয্যা হইতে উঠিয়া এই  
শ্লোকটী উচ্চারণ করিয়া থাকেন। তোমরা  
সকলে এখনও কর কি না জানি না। যদি না  
করিয়া থাক, তাহা হইলে নিজের লিখিত  
শ্লোকটী কণ্ঠস্থ করিবে এবং প্রতি প্রভাতে  
ভক্তিসহকারে মধুসূদনকে প্রণাম করিয়া  
করযোড়ে শ্লোকটী উচ্চারণ করিবে। কিছু  
দিন করিলে দেখিবে, তোমাদের আর  
অসংকার্যে প্রবৃত্তি হইবে না। ভুলেও  
মুখ হইতে মিথ্যা কথা বাহির হইবে না।  
শ্লোকটী এই :—

যৎকৃতং যৎ করিষ্যামি তৎসৰ্বং ন ময়া কৃতং ।

স্বয়া কৃতং তু ফলভুক্ স্বমেব মধুসূদন ॥

যেই কার্য্য নিষ্পাদন করেছি মধুসূদন !

যে কার্য্য করিব আমি আর ।

নহে মম অনুষ্ঠিত, সে কার্য্য তোমার কৃত ;

তুমি প্রভু, ফলভোগী তার ॥

দুর্গা

তাই বলিতেছিলাম মধুসূদনের ক্রোধের একটি গূঢ় অর্থ আছে। ব্রহ্মা ও দেবতাগণের মর্শ্বকথায় অসুরগণের উপর যেমন তিনি ক্রুদ্ধ হইলেন, অমনি সঙ্গে সঙ্গে সমস্ত জগৎটা ক্রোধে সংকুচ হইয়া উঠিল।

মধুসূদনের সঙ্গে সঙ্গে শিব ক্রুদ্ধ হইলেন; সঙ্গে সঙ্গে ব্রহ্মা ক্রুদ্ধ হইলেন; ইন্দ্র চন্দ্র বায়ু বরুণ প্রভৃতি সমস্ত দেবতা ক্রুদ্ধ হইলেন। জগতের সমস্ত জীবের ভিতর ক্রোধের সঞ্চার হইল। প্রকৃতি ক্রোধে দীর্ঘনিশ্বাস ত্যাগ করিল, প্রলয়ঝড়ে আকাশ ব্যাপ্ত হইল, সমুদ্র ক্রোধে ফুলিয়া উথলিয়া উঠিল, স্থির হিমালয়ে অগ্নিশিখা নির্গত হইতে লাগিল, ধরণী কল্পিতা হইলেন।

অতি কোপে মধুসূদনের মুখ হইতে অপূর্ব তেজ নির্গত হইতে লাগিল। তৎপরে ব্রহ্মা ও শঙ্করের মুখ হইতে মহৎ তেজ বহির্গত হইল। সঙ্গে সঙ্গে দেবতাদিগের দেহ হইতে

রাশি রাশি তেজ বাহির হইল। সেই সকল তেজ একত্র হইয়া বিশাল আকার ধারণ করিল। দেবগণ দেখিলেন, যেন এক প্রকাণ্ড শৈল দিগন্তব্যাপিনী অগ্নিশিখায় স্নান করিতেছে।

সেই তেজোরশি প্রভামণ্ডলে ত্রিভুবন আলোকিত করিয়া দেখিতে দেখিতে এক অপূর্ব নারীমূর্তিতে পরিণত হইল। শঙ্করের তেজে তাঁহার মুখ, বিষ্ণুর তেজে তাঁহার বাহু, ব্রহ্মার তেজে তাঁহার পদ রচিত হইল। এইরূপে অশ্রান্ত দেবগণের তেজে তাঁহার এক এক অঙ্গ নিশ্চিত হইল।

আমাদিগের ক্রোধ অনেক সময়ে লোকের অনিষ্ট করিবার জন্তই উৎপন্ন হয়; কিন্তু দেবতাদিগের ক্রোধ জীবের মঙ্গলের জন্তই উৎপন্ন হইয়া থাকে। সুতরাং সেই সকল তেজ হইতে যে দেহ উৎপন্ন হইল, আত্মাশক্তি মহামায়া সর্বমঙ্গলরূপে সেই দেহ আশ্রয় করিয়া অবতীর্ণা হইলেন।

ছুর্গা

মায়ের আবির্ভাবের সঙ্গে সঙ্গে জীবের ভয়  
ঘুচিয়া গেল ; দেবতারা আনন্দিত হইলেন ।  
চারিদিক হইতে মায়ের জয়গান উখিত হইল ;  
আকাশগঙ্গায় উল্লাসের বন্যা ছুটিয়া গেল ।

তখন মহেশ্বর প্রমুখ দেবগণ মহামায়াকে  
উপহার দিতে আরম্ভ করিলেন । শিব  
আপনার শূলের অনুরূপ একটা শূল গড়িয়া  
মায়ের হাতে দিলেন ; কৃষ্ণ ও স্বীয় চক্রের  
অনুরূপ একটি চক্র প্রদান করিলেন ; ইন্দ্র  
নিজের বজ্র হইতে আর একটি বজ্র উৎপাদন  
করিয়া মাকে উপহার দিলেন । এইরূপে  
দেবতারা নিজ নিজ অস্ত্রের অনুরূপ আর  
একটি অস্ত্র রচিয়া আত্মশক্তিকে রণসাজে  
সাজাইলেন ।

শুধু দেবতা কেন, সমস্ত জগৎ জগদ্ধাত্রীকে  
সাজাইবার জন্ত ব্যগ্র হইল । ক্ষীরোদ  
সমুদ্র নানাবিধ অলঙ্কারে মায়ের অঙ্গ  
সাজাইয়া, একখানি অবিনশ্বর বজ্র মাকে

দুর্গা

পরহীরা দিল । জল-সমুদ্র একটি সুন্দর শব্দ,  
এক ছড়া প্রফুল্ল পদ্যের মালা ও একটি পরম  
সুন্দর লীলা-কমল উপহার প্রদান করিল ।  
হিমালয় নিজের সিংহটিকে মায়ের বাহন  
করিয়া দিল ।

(৮)

দেবদত্ত সাজে সজ্জিতা হইয়া, জগতের  
কল্যাণরূপিণী জননী, অমুরগুলাকে ভয়  
দেখাইবার জন্য অট্টহাসের সঙ্গে একবার হুঙ্কার  
করিলেন । সেই ভীমহুঙ্কারে সমুদ্র আকাশ  
মণ্ডল ব্যাপ্ত হইয়া গেল । স্বর্গ মর্ত পাতাল  
স্তম্ভিত হইল, সমুদ্রে বিষম তরঙ্গ উঠিল, পৃথিবী  
টলমল করিল, পর্বত সকল কাঁপিতে লাগিল ।

সেই শব্দ মহিষাসুর ও তাহার অনুচর-  
গণের কানে গেল । তাহারা ত একরূপ শব্দ  
আর কখনও শুনে নাই ! ইন্দ্রের বজ্রধ্বনি  
তাহারা বহুবার শুনিয়াছে ; মহাসমুদ্রের প্রলয়



দুর্গা

কল্লোল অনেকবার বিষমগর্জনে তাহাদের গৃহদ্বার আক্রমণ করিয়াছে ; পর্কতের বক্ষ-বিদারণ শব্দ কতবার তাহাদের কর্ণপটেছে ঘা মারিয়াছে, কিন্তু একরূপ শ্রবণভেদী গম্ভীর ছঙ্কার আর কখনও তাহাদের শ্রুতিমূলে প্রবেশ করে নাই।

মহিষাসুর শব্দ শুনিবামাত্র বিরক্তি সহকারে বলিয়া উঠিল—“আঃ ! একি ?” তখন অসুর-গণ অস্ত্রশস্ত্রে সজ্জিত হইয়া সেই শব্দ লক্ষ্যে ছুটিল। মহিষাসুরও অগণ্য অসুর সৈন্য সঙ্গে লইয়া সেই শব্দ লক্ষ্য করিয়া ধাবিত হইল।

বোধ হয় তাহার আকারটা মহিষের মত ছিল, তাই ঋষি তাহার মহিষাসুর নাম দিয়া-ছেন। তাহার সেনাপতিগণের মূর্তিও তাহার মত বিশ্রী ছিল। তাহাদের নামও তাহাদের আকারের অনুরূপ ছিল। কাহার পায়ে মহিষের মত ক্ষুর, কাহার ষিড়ালের মত চোখ,

ছুর্গা

কাহারও পা ছুইটা পিছনে, চোক ছুইটা  
কপালে, কাহারও বা গায়ে ক্ষুরের মত ধারালো  
লোম,—এইরূপ জঙ্গুর আকৃতিবিশিষ্ট নানা  
কুৎসিত অশুর জগন্মাতাকে আক্রমণ করিতে  
চলিল।

এখনই পৃথিবীতে এমন অনেক মানুষ  
আছে, পশুর সহিত যাহাদের আকারের তুলনা  
হইতে পারে। কাহারও ঠোঁট পুরু, কাহারও  
নাক চেপ্টা, কাহারও চুলগুলা ভেড়ার লোমের  
মত, কাহারও চোখের নীচের হাড় এত উঁচু,  
দেখিলে ঠিক যেন একটি দ্বিপদ হনুমান বোধ  
হয়। তা সে কত পূর্বকালের কথা! তখন  
মানবদেহ সবে মাত্র রচিত হইতেছে। তখন  
অশুরগুলা যে জঙ্গুর মত হইবে, তাহাতে আর  
বিচিত্রতা কি?

মহিষাসুর যখন সৈন্ত লইয়া দেবীকে  
অবলোকন করিল, তখন তাঁহার শরীর  
কান্তিতে ত্রিভুবন আলোকিত হইয়াছে, পদভরে

হুগা

ভূমণ্ডল অবনত হইয়া পড়িয়াছে, কিরীট  
গগনস্পর্শ করিয়াছে, ধনুষ্টিকার-ধ্বনিতে সমুদায়  
সমাতল সংকুচ হইয়াছে, এবং ভূজ সহস্রবাহুর  
আকার ধরিয়া দিগ্‌মণ্ডল সমাচ্ছন্ন করিয়াছে। -

মায়ের এ বিখরূপ কল্পনাতেও আনিতে  
আমাদের শক্তি নাই। একবার কুরুক্ষেত্রে  
মহামতি অর্জুন শ্রীকৃষ্ণের বিখরূপ দর্শন করিয়া-  
ছিলেন। সেই বিরাট দেহও স্বকীয় কাঙ্ক্ষিতে  
ত্রিভুবন সমুজ্জল করিয়াছিল। কিরীট আকাশে  
ঠেকিয়াছিল! সেই চির মধুর বিভূজ মুরলী-  
ধর সখা অর্জুনের চক্ষে একদিন সহস্রবাহু-  
প্রসারিত করিয়াছিলেন। দেবতারা যে রূপ  
দর্শনের জন্ত ব্যাকুল, আমরা ক্ষুদ্রজ্ঞানে  
সেই রূপ কেমন করিয়া অনুমান করিব? কৃষ্ণ-  
সখা সে রূপের জ্যোতি বহুক্ষণ দর্শন করিতে  
সমর্থ হন নাই। তাই তিনি সখার পূর্বমূর্তি  
দর্শনের জন্ত ব্যাকুল হইয়া বলিয়াছিলেন—“হে  
দেবেশ! হে অগতের নিবাসভূমি! তোমার

হুর্গা

এই অদৃষ্টপূর্ব রূপ দেখিয়া যদিও আমি হুঁট  
হইয়াছি, কিন্তু ভয়ে আমার মন বিচলিত  
হইয়াছে। অতএব হে দেব! তুমি আমার  
প্রতি প্রসন্ন হও; তোমার সেই পূর্বরূপ—  
সেই নবজলধর শ্রামসুন্দর মূর্তি আমাকে  
দেখাও।”

এস ভাই! আমরাও সেই প্রকার কর-  
ষোড়ে মাকে বলি—“মা! অসুর নাশিনী!  
অসুরকুলের সংহার করিয়া তোমার সেই  
চিরমধুর শ্রামরূপে ধরণীতলকে স্নিগ্ধ করিয়া  
এক হস্তে বর, অন্ন হস্তে অভয় লইয়া তোমার  
সন্তানগুলির সম্মুখে উপস্থিত হও। আমরা  
বালকবালিকা প্রাণ ভরিয়া সেই রূপ দেখি,  
আর উল্লাসে নৃত্য করি।

অসুরগণ দেবীকে দেখিয়াই, চারিদিক  
হইতে এক সঙ্গে আক্রমণ করিল। কোটি  
কোটি হাজার রথ, কোটি কোটি হাজার গজ,  
কোটি কোটি হাজার ঘোড়া একেবারে চারি-

দুর্গা

দিক হইতে পিপীলিকার মত মাকে ঘেরিয়া  
ধরিল। ঘেরিয়া সকলে এক সঙ্গে মায়ের  
অঙ্গে অস্ত্র সকল নিক্ষেপ করিতে লাগিল।  
অসংখ্য অস্ত্র—অসংখ্য নাম! কোন অসুর  
তোমর দ্বারা, কেহ ভিন্দিপাল দ্বারা, কেহ  
মুঘল দ্বারা, কেহ বা খড়্গা, কেহ বা শল্য, কেহ  
বা কুড়ালি লইয়া মায়ের সঙ্গে যুদ্ধ করিতে  
লাগিল। অসংখ্য অস্ত্র—অসংখ্য নাম। মা  
একাকিনী—শত্রু অসংখ্য। তথাপি মা শত্রু  
নিক্ষিপ্ত সেই অসংখ্য অস্ত্রশস্ত্র অনায়াসেই  
ছেদন করিলেন। অবশেষে তিনি যখন  
দেখিলেন, প্রবল ঝড়ে সাগরের তরঙ্গের মত  
অসুরসৈন্য কেবলই বৃদ্ধি পাইতেছে, তখন  
তিনি এক একটা দীর্ঘ নিশ্বাস ত্যাগ করিতে  
লাগিলেন। এক একটা নিশ্বাসের সঙ্গে সঙ্গে  
হাজার হাজার প্রমথসৈন্য সৃষ্ট হইতে লাগিল।  
দেবীর নিশ্বাসে জন্মিয়াছে, সুতরাং দেবীর  
শক্তিও তাহাদের মধ্যে প্রবেশ করিয়াছে।

তাহারা অসুরসৈন্তের যুদ্ধ দেখিয়া স্থির থাকিবে কেন ? তাহারা জন্মের সঙ্গে সঙ্গেই অসুরদিগের সহিত যুদ্ধ আরম্ভ করিল। দেবীর বাহন সিংহ—সেই বা এই সকল ব্যাপার দেখিয়া স্থির থাকিবে কেন ? মহাশক্তির আধার হিমালয়ের নিকট হইতে সে আসিয়াছে। আসিয়া আত্মশক্তিকে বহন করিয়াছে। প্রমথগণ যখন যুদ্ধ আরম্ভ করিল, তখন সে কি কেবল দাঁড়াইয়া দাঁড়াইয়া যুদ্ধ দেখিবে ? সিংহও ক্রুদ্ধ হইল; তার কাঁধের কেশর কম্পিত হইয়া উঠিল; আর বনের ভিতর দাবানল যেমন লকলক শিখা লইয়া একস্থান হইতে অন্যস্থানে চলিয়া বেড়ায়, সেও সেইরূপ অসুরসৈন্ত মধ্যে বিচরণ করিতে লাগিল। দেবী কখন ত্রিশূল, কখন গদা, কখন ধড়গ লইয়া অসুরগুলাকে বধ করিতে লাগিলেন। কখন বা শক্তিবৃষ্টি করিয়া কোটি কোটি মহাসুর সংহার করিলেন। দেবীর ঘণ্টার শব্দে

ছর্গা

বিমোহিত হইয়া কতকগুলি অশুর মাটিতে  
আছাড় খাইয়া প্রাণত্যাগ করিল, কতকগুলি  
নাগপাশে জড়াইয়া ভূমিতে গড়াগড়ি খাইল ।  
কাহার হাত গেল, কাহার পা গেল, কাহারও  
বা দেহ মধ্যভাগে কাটা পড়িল, আর কত  
মাথা যে ভূমিতে গড়াগড়ি খাইল, তাহার  
সংখ্যা রহিল না । সিংহ চারিধারে ছুটাছুটি  
করিয়া অশুর গুলার মুণ্ড কড়মড় করিয়া  
চিবাইতে লাগিল ।

বহুদিন ধরিয়া দেবী মহিষাসুরের সঙ্গে  
যুদ্ধ করিলেন ; এবং একে একে তাহার  
সেনাপতিগণকে বধ করিয়া সর্বশেষে তাহাকে  
নিহত করিলেন ।

প্রচণ্ড মহিষাসুরকে নিহত দেখিয়া  
প্রমথগণ আনন্দে ঢাক ঢোল শঙ্খ ঘণ্টা মৃদঙ্গ  
বাজাইতে আরম্ভ করিল । জগন্মাতার এই  
যুদ্ধ মহোৎসবে আনন্দ প্রকাশ করিতে  
জগতের সমস্ত জীব যোগদান করিল । দেবগণ,

ছুর্গা

ঋষিগণ দেবীর স্তব আরম্ভ করিলেন, গৃকর্ষগণ  
গান ধরিলেন, অঙ্গরাগণ নৃত্য করিলেন। সেই  
অগ্নানবদনা সর্বশক্তিশালিনী মহিষমর্দিনীর  
জয়গান বহন করিয়া সমীরণ দিগ্দিগন্তে  
ছুটিয়া গেল।

(২)

মহিষাসুরের বিনাশে জগতের সমস্ত তাপ  
দূর হইয়া গেল। ঋষিগণ ভক্তিভরে  
আত্মশক্তির পদপ্রাপ্তে প্রগত হইয়া বলিতে  
লাগিলেন—“মা জগদ্ধাত্রি! প্রসন্ন হও।  
তুমি প্রসন্ন হইলেই জগতের কল্যাণ হয়।  
তুমি যাহাদের প্রতি করুণা কর, মানে, ধনে,  
যশে, তাহারা সকল লোকের পূজা পাইয়া  
থাকে। তাহাদের সংসারে দুঃখ ক্লেশ  
থাকে না। ব্যাধি আসিয়া তাহাদের যতনা  
দিতে পারে না। অকালমৃত্যু তাহাদের  
ঘরে প্রবেশ করিতে পারে না। তাহাদের



ছুর্গা

শুকুতির তুলনা মাই। তাহাদের পুত্র কন্যা  
বিনীত হয়, ভৃত্য প্রভুর বশীভূত হয় ; ভাৰ্যা  
পতিপরায়ণা হইয়া থাকে। বিপদে একমনে  
তোমায় স্মরণ করিলে তুমি প্রাণী সকলের ভয়  
দূর করিয়া দাও। দারিদ্র্য-হুঃখহারিণী দয়াময়ি !  
ভয়হারিণী অভয়ে ! ভক্তই হউক, অভক্তই  
হউক, উদাসীনই হউক, শত্রুই হউক,  
সকলেরই জন্য তোমার চিন্তা করণায় বিগলিত  
হইয়া রহিয়াছে। হে বরদে ! আমরা  
তোমার সেই করুণা ভিক্ষা করিতেছি। হে  
দেবি ! তুমি তোমার অস্ত্রদ্বারা আমাদিগকে  
সকলপ্রকারে রক্ষা কর, সকল দিকে রক্ষা  
কর। আমাদিগকে রক্ষা কর, জীবকে রক্ষা  
কর, পৃথিবীকে রক্ষা কর।”

এই বলিয়া ঋষিগণ নন্দনবনের ফুল লইয়া  
মায়ের পূজা করিলেন, মায়ের অঙ্গ চন্দন  
কুঙ্কুমে চর্চিত করিলেন। তারপর ভক্তিভরে  
দ্বিব্য ধূপ দ্বারা জগন্মাতার আৰতি করিলেন।

ছুর্গা

ঋষি ও দেবতার পূজার প্রসঙ্গ হইয়া  
জগদ্ধাত্রী সহস্রাবদনে তাঁহাদিগকে বলিলেন—  
“তোমাদের কি বাঞ্ছিত আছে, তাহা প্রার্থনা  
কর, আমি আনন্দের সহিত তোমাদিগকে  
তাহা দান করিতেছি।”

ঋষি ও দেবগণ কহিতে লাগিলেন—“প্রসন্ন-  
বদনে ! তুমি যখন আমাদের সন্মুখে, তখন  
অশ্রুবার আর কি লইব ! আমাদের সমস্ত  
অভীষ্টই পূর্ণ হইয়াছে, যেহেতু আমাদের শত্রু  
মহিষাসুর মরিয়াছে। তবে যদি একান্তই  
আমাদিগকে তোমার বর দিতে হয়, তাহা  
হইলে এই বর দাও যে, যখনই আমরা  
তোমাকে স্মরণ করিব, তখনই তুমি আমাদের  
বিপদ দূর করিয়া দিবে। আর এই বর দাও  
মা ! যে মানব এই সকল স্তবে তোমাকে  
প্রসঙ্গ করিবে, আমাদের প্রতি প্রসঙ্গ হইয়া  
তুমি তাহাকে বিভব দিবে, সম্পদ দিবে, জ্ঞান  
দিবে। আর তাহার সংসারটীতে করুণা

ছুর্গা

ঢালিয়া তাহাকে সকল প্রকারে সুখী করিবে !  
এই স্থানেই দেব-চরিত্র ও ঋষি-চরিত্রের মর্ম্ম  
অনুভব কর । নিজেদের জন্ত বর লইতে গিয়া  
তাঁহারা জগজ্জননীর কাছে সমগ্র মানবের  
কল্যাণ কামনা করিলেন ।—

‘তাহাই হউক,’ বলিয়া মা দেবতাদিগের  
চক্ষের উপর অদৃশ্য হইয়া গেলেন । মা অদৃশ্য  
হউন, কিন্তু তিনি দেবতাদের কাছে ধরা  
দিয়াছেন, প্রতিশ্রুতির বাঁধনে বাঁধা পড়িয়াছেন ।  
যে কেহ ভক্তিভরে আত্মাশক্তির স্তব করিবে,  
মাতা তাহার সকল বিপদ দূর করিয়া দিবেন ।

(১০)

তৃতীয় বারে মহামায়া আমাদের ঘরের  
কাছে আসিয়াছেন । এবারেও ছুই প্রচণ্ড  
দানবের হাত হইতে জগৎকে উদ্ধার করিবার  
জন্ত মা আত্মাশক্তি অবতীর্ণা হইয়াছেন ।

এই ছুই দানবের নাম শুস্ত ও নিশুস্ত ।  
তাঁহারা ছুই ভাই । ছুই ভ্রাতারি বিশেষ প্রীতি

হুর্গা

ছিল। কনিষ্ঠ নিশুস্ত সর্কপ্রকারে জ্যেষ্ঠ  
ভ্রাতা শুস্তের অনুগত ছিল। এই কনিষ্ঠ  
ভ্রাতারই সাহায্যে সেই প্রচণ্ড দৈত্য শুস্ত  
ত্রিলোক জয় করিতে অগ্রসর হইল।

ত্রিলোকের ইন্দ্র অমরাবতীতে রাজত্ব  
করিতেছিলেন। শুস্ত নিজের সমস্ত অসুর  
সৈন্য লইয়া প্রথমেই ইন্দ্রের রাজধানী আক্রমণ  
করিল। দেবসৈন্য ও অসুরসৈন্যে অনেকদিন  
ধরিয়া যুদ্ধ হইল। যুদ্ধে দেবতারাই পরাস্ত  
হইলেন; এবং একে একে সকলে স্বর্গরাজ্য  
ত্যাগ করিলেন। প্রথমেই ইন্দ্র পলাইলেন।  
ইন্দ্রের সঙ্গে সঙ্গে সূর্য্য, চন্দ্র, বায়ু, বরুণ,  
হতাশন, একে একে সমস্ত দেবতা নিজ নিজ  
অধিকার ছাড়িয়া পলাইলেন।

শুস্ত যেমন ইন্দ্রের অধিকার কাড়িয়া লইল,  
অমনি সঙ্গে সঙ্গে অপরাপর দেবতাদিগের  
অধিকারও হস্তগত করিল।

তোমরা জিজ্ঞাসা করিতে পার, সূর্য্য-

ছর্গা

চন্দ্রকেও যদি নিজ নিজ অধিকার ছাড়িয়া পলাইতে হইল, তবে কি সে সময়ে আকাশে সূর্য্যচন্দ্রের উদয় হইত না? তবে কি সমস্ত পৃথিবী সে সময় দিবারাত্রি অন্ধকারেই ডুবিয়া থাকিত?

ইহার উত্তর দেওয়া আমাদের ক্ষুদ্র বুদ্ধির সাধ্য নয়। তবে ঋষিরা বলেন, দৈত্যদানবে যে সময় জগৎ অধিকার করে, তখন বাস্তবিকই জগৎ অন্ধকারে আচ্ছন্ন হয়। তখন সূর্য্য থাকেন না, চন্দ্র থাকেন না, মঙ্গল বুধ বৃহস্পতি শ্রুভৃতি গ্রহরাজগণ সূর্য্যের চতুর্দিকে পরিভ্রমণ করেন না। এক অন্ধকার—বিরাট অন্ধকার সমস্ত মেদিনীর উপরে অবাধে রাজত্ব করিতে থাকে। কিন্তু বিশ্বয়ের বিষয় দানবের অধিকার ভুক্ত জীব তাহা বৃথিতে সক্ষম হয় না।

দানবেরা অনেক প্রকার মায়া জানে। সেই মায়াবলে তাহারা নানাপ্রকার মূর্তি ধরিয়া জীব সকলকে ভুলাইতে সমর্থ হয়।

## ছর্গা

যখন চন্দ্র, সূর্য্য, ও গ্রহগণ আপন আপন স্থান ত্যাগ করিলেন, দানবগণও অমনি তাহাদের রূপ ধরিয়া সেই সকল পরিত্যক্ত স্থান গ্রহণ করিল।

আকাশে দানব-সূর্য্য প্রভাতে পূর্বাচলে উদিত হইয়া সন্ধ্যায় পশ্চিমাচলে অস্ত যাইতে লাগিল ; দানবী-তারার অমর গগন আচ্ছন্ন হইল ; পূর্ণিমার রজনী দানব-চন্দ্র মাথায় ধরিয়া দানবী-কৌমুদীর বসন পরিল।

দানবী-মায়া-মুগ্ধ মানব দেখিল, সূর্য্য উঠিয়াছে, চন্দ্র উঠিয়াছে, তারার তারার আকাশ ভরিয়া রহিয়াছে। কিন্তু দেবতা ও ঋষি জানিলেন, সমস্ত জগতে অন্ধকার—কি বিরাট বিখগ্রাসী ধর্ম্মবিনাশী অন্ধকার !

দেবতারা দৈত্যভরে মানুষের রূপ ধরিয়া পৃথিবীতে লুকাইয়া রহিলেন। শুভ্র ত্রিলোকে একাধিপত্য করিতে লাগিল।

পরাজিত, রাজ্যভ্রষ্ট, অধিকার চ্যুত, স্বর্গ

হুর্গা

হইতে তাড়িত, ভয়কম্পিত দেবগণ মুক্তির  
অন্য উপায় না দেখিয়া জগন্মাতাকে স্মরণ  
করিলেন ।

“বিপদ উপস্থিত হইলে যদি আমাকে  
তোমরা যথাবিধি স্মরণ কর, তাহা হইলে  
আমি তোমাদের সকল বিপদ দূর করিয়া  
দিব ।” মহামায়া দেবগণকে পূর্বে এই বর  
দিয়াছিলেন । সেই বরের কথা দেবতাদের  
মনে হইল । মনে হইবামাত্র তাঁহারা হিমালয়ে  
গমন করিলেন ; এবং সকলে সমবেত হইয়া  
মহামায়ার স্তব আরম্ভ করিলেন ।

নমি দেবী মহাদেবী শিবানী প্রকৃতি ।  
ভদ্রা রোদ্রা গৌরী ধাত্রী করি মা প্রণতি ॥  
নমি হুর্গা নমি কৃষ্ণা হে সর্বকারিণী ।  
নমি মা কল্যাণরূপা নমি মা শর্কানী ॥

সর্বভূতে বিষ্ণুমায়ী যে দেবী শক্তিভা,  
চেতনা সকল ভূতে যিনি অতিহিতা,

বুদ্ধিরূপে যেই দেবী জীবের ভিতরে,  
নমস্কার নমস্কার নমস্কার তাঁরে ॥

নিদ্রা ক্ষুধা ক্ষান্তি তৃষ্ণা শান্তি জ্ঞানি মায়া  
শ্রদ্ধা লজ্জা তুষ্টি কান্তি বৃত্তি স্মৃতি ছায়া  
জীবমধ্যে যিনি আর দয়ারূপ ধ'রে,  
নমস্কার নমস্কার নমস্কার তাঁরে ॥

লক্ষ্মীরূপে মাতৃরূপে ব্যাপ্তিরূপে আর  
শক্তিরূপে জীব মध्ये অবস্থিতি যার  
সংজ্ঞারূপে আবরিয়া নিখিল সংসারে  
নমস্কার নমস্কার নমস্কার তাঁরে ॥

জগজ্জননীর স্তবে দেবতারা তন্ময় হইয়া  
গেলেন। ভক্তি-বিনম্র দেবতার কঠোচ্চারিত  
স্ততি-গীতি করুণাময়ীর হৃদয়কে ব্যাকুল করিয়া  
তুলিল। তিনি আর ভক্তের চক্ষে লুকাইয়া  
থাকিতে পারিলেন না। জাহ্নবীতে স্নান  
করিবার ছল করিয়া তিনি দেবগণের সম্মুখে  
উপস্থিত হইলেন এবং জিজ্ঞাসা করিলেন ; —



দুর্গা

“আপনারা এখানে কাহাকে স্তব করিতে-  
ছেন ?”

ঋষি এইখানে একটা অলৌকিক বিস্ময়-  
কর ঘটনার উল্লেখ করিয়াছেন। সামান্য  
রমণীজ্ঞানে দেবগণ বোধ হয়, পার্বতীর প্রশ্নের  
উত্তর দানে ইতস্ততঃ করিতেছিলেন। কিন্তু  
দেবীর প্রশ্ন ত নিরর্থক নয় ! দুর্গা জগতের  
দুর্গতি নাশে অভিলাষিণী হইয়া প্রশ্ন করিয়া-  
ছেন, দুর্গতিগ্রস্ত হতবুদ্ধি দেবগণ সে প্রশ্নের  
উত্তর দিতে সমর্থ হইসেন না। তাই বলিয়া  
কি ইচ্ছাময়ীর ইচ্ছা ব্যাহতা হইবে ? দেখিতে  
দেখিতে পার্বতীর শরীর-কোষ হইতে তাঁহারই  
অনুরূপ অণু এক পরম রমণীয় মূর্তি বাহির  
হইয়া উত্তর করিলেন—“সমরে নিশ্চয় কর্তৃক  
পারাজিত হইয়া ও গুপ্ত কর্তৃক নিজ নিজ  
অধিকার হইতে তাড়িত হইয়া এই সকল  
দেবতা আমারই স্তব করিতেছেন।”

চক্ষের নিমেষে যেন কোথা হইতে কি

## ছুর্গা

হইয়া গেল ! আকুলনেত্রে দেবগণ চাহিতে দেখিলেন, হিমালয়-শিরে সুধাতরঙ্গিনী জাহ্নবী-তীরে পর্বতনন্দিনী গৌরী সহসা শ্রামরূপে ভুবন উজ্জ্বল করিয়া একহস্তে বর অগ্ৰহস্তে অভয় লইয়া দাঁড়াইয়া আছেন । অমনি দেবগণের মস্তক ভক্তিভরে শ্রামার চরণপ্রান্তে অবনত হইল । ভগবতীর আশ্বাসবাণীতে প্রীত হইয়া তাহারা সে স্থান হইতে প্রস্থান করিলেন ।

পার্বতী কালিকানামে প্রসিদ্ধা হইয়া হিমা-চলে অবস্থান করিতে লাগিলেন । এইজগুই পূর্বে বলিয়াছি, আত্মশক্তি ক্রমে আমাদের ঘরের কাছে আসিয়াছেন । জীবের ভয় যুচাইতে ভগবতী এবারে গিরিরাজের গৃহে অবতীর্ণা !

পর্বতনন্দিনীর আবির্ভাবের সঙ্গে সঙ্গে গিরিরাজের শূন্য ভবন পূর্ণ হইয়া গেল । তাহার চিরতুষারাবৃত শৃঙ্গসকল বিবিধ রত্নধাতুরাগে

দুর্গা

রঞ্জিত হইয়া দিগ্‌গুল বিভাসিত করিয়া তুলিল।  
অন্যান্য শৃঙ্গসকল অসংখ্য বৃক্ষলতা ও গুল্মে  
সমাচ্ছন্ন হইল ; এবং পর্বত বাহিনী নিব্বরিণীর  
মধুর শব্দে দিগন্ত প্রতিধ্বনিত হইয়া উঠিল।

(১১)

শুভ-নিশ্চেষ্টের দুইজন ভৃত্য চণ্ড ও মুণ্ড  
ভ্রমণ করিতে করিতে হিমালয়ের পাদদেশে  
আসিয়া উপস্থিত হইল। উপস্থিত হইয়া  
তাহারা দেখিল, কোথা হইতে এক অভিনব  
সলিলতরঙ্গ পর্বতের মূলপ্রান্তে সিক্ত করি-  
তেছে। সেই শুভ্র সলিলা তটিনীতীরে এক-  
অপূর্ব কাঞ্চন-কমল প্রস্ফুটিত হইয়াছে। সেই  
কাঞ্চন-কমলের সৌরভে সেই পার্বত্য দেশের  
সমীরণ সুবাসিত হইয়াছে।

হিমালয়ের এই সহসা রূপপরিবর্তনের  
কারণ নির্ণয়ে অসমর্থ হইয়া তাহারা দুই ভাই  
প্রথমে বড়ই বিস্মিত হইল। কতদিন ত  
তাহারা হিমালয়ের নিকট দিয়া যাতায়াত করি-

যাচ্ছে, কিন্তু কই নীরস হিমালয়ে এরূপ রস-  
প্রবাহ আর কখন ত তাহারা দেখে নাই !  
শুভের কৃপায় তাহারা ত্রিভুবনের সকল সুন্দর  
স্থান দেখিয়াছে, নন্দনে কাননে পরিভ্রমণ করি-  
য়াছে । কিন্তু হিমগিরির আজ যেরূপ শোভা,  
নন্দনেও ত কখন তাহারা সেরূপ শোভা দেখে  
নাই ! মুগ্ধ হইয়া ছই ভাই পর্বতের শোভা  
দেখিতে লাগিল । দেখিতে দেখিতে তাহারা  
দেখিল, এক অপূর্ব সুন্দরী কুমারী অপরূপ  
শ্রামাঙ্গের শোভায় ভুবন আলোকিত করিয়া  
পর্বতের অধিত্যকাদেশে বিচরণ করিতেছেন ।

সেই কুমারীকে দেখিবামাত্র তাহারা কাল-  
বিলম্ব না করিয়া তাহাদের রাজাকে সংবাদ দিল ।  
বলিল—“মহারাজ ! অতি মনোহরা একটি রমণী  
স্বকীয় শ্রামশোভায় সুশুভ্র হিমাচল সমুজ্জল  
করিয়া রহিয়াছে । তাদৃশ পরম মনোহররূপ  
ত্রিভুবনে কেহ কোথাও দেখে নাই । ইনি  
কোন্ দেবী প্রথমে আপনি অবগত হউন ;

ভূর্গা

তাহার পর ইহাকে গ্রহণ করুন ! একবার দেখিয়া আসুন, তাঁহার রূপপ্রভায় দশদিক প্রদীপ্ত হইয়া উঠিয়াছে ।”

চণ্ড ও যুগু বলিতে লাগিল—“ত্রিভুবনে যেখানে যাহা কিছু উৎকৃষ্ট ছিল, সমস্তই আপনি অধিকার করিয়াছেন । ইন্দ্রের নিকট হইতে আপনি করিরাজ ঐরাবত এবং ঘোটক-শ্রেষ্ঠ উচ্চৈশ্রবা লাভ করিয়াছেন । নন্দনের পারিজাত আপনার অট্টালিকার প্রবেশ পথে কল্প-কুমুম মাথায় লইয়া ছায়াদান করিতেছে । ধনেশ্বর কুবেরের নিকট হইতে আনীত মহাপদ্ম নামে নিধিরত্ন, সমুদ্রদত্ত উৎকৃষ্ট কেশর বিশিষ্ট অগ্নান পদ্মমালা, বরুণ-দত্ত কাঞ্চনস্রাবী ছত্র—অপূর্ব ভূষণ, অপূর্ব বসন—সমস্তই আপনার গৃহে শোভা পাইতেছে । এমন কি হংস সংযুক্ত, রত্নরূপে পরিণত, যে অদ্ভুত রথ পূর্বে সৃষ্টিকর্তা ব্রহ্মার ছিল, সেই বিমান-রত্ন এক্ষণে আপনার গৃহ-প্রাঙ্গণ আশ্রয় করিয়াছে ।

হে দৈত্যরাজ ! ভুবনের সর্বশ্রেষ্ঠ রত্ন সমুদায়  
যখন আপনি অধিকার করিয়াছেন, তখন কি জন্তু  
এই কল্যাণী রমণীরত্ন গ্রহণ করিতেছেন না ?”

(১২)

চণ্ডমুণ্ডের কথা শুনিয়া বিস্মিত দৈত্যরাজ  
সুগ্রীব নামক অনুচরকে আহ্বান করিলেন ।  
সুগ্রীব নিকটে আসিলে, তিনি তাহাকে বলি-  
লেন—“তুমি এই দণ্ডেই হিমালয় প্রদেশে  
গমন কর । এবং পর্বতের অধিত্যকার বিচ-  
রণশীলা দেবীর নিকটে উপস্থিত হইয়া আমার  
ঐশ্বর্যের কথা জ্ঞাপন কর, এবং যাহাতে প্রীত  
মনে তিনি এখানে আগমন করেন, তাহার  
ব্যবস্থা কর ।”

দৈত্যরাজ কর্তৃক আদিষ্ট হইয়া সুগ্রীব  
হিমালয়ে গমন করিল । যাইয়া দেখিল, রক্ত-  
বস্ত্র পরিধানা প্রকৃতিভূষণা শ্রামা এক পরম  
রমণীর অধিত্যকার দাঁড়াইয়া আছেন । পার্শ্বে  
সহস্র কাঞ্চন-দলে কমল ফুটিয়াছে ; সম্মুখে

ছর্গা

জাহ্নবীতরঙ্গদন্ত অসংখ্য রত্নোপহার পতিত  
রহিয়াছে ; পদতলে কুণ্ডলিত সিংহ সেই  
কোমল চরণের ভার ধরিবার জন্য যেন সর্বশক্তি  
পুঞ্জীকৃত করিয়াছে ।

জননী একহস্তে ভূমি সংলগ্ন ত্রিশূল ধরিয়া  
অন্য কর-কমল ঈষদুত্তোলিত করিয়া জগতে  
অভয় বিতরণ করিতেছিলেন । শ্রীচরণচূষিত  
কেশরাশি মলয় পবনে আন্দোলিত হইয়া গিরি-  
শিখরে মেঘের তরঙ্গ তুলিতেছিল । নীল  
নলিনাভ নয়ন উর্দ্ধে জ্যোতিধারায় সমস্ত  
আকাশকে নীলবর্ণে রঞ্জিত করিতেছিল ।  
ধ্যানস্থা যোগিনীর স্থায় জগদ্ধাত্রী মানবীদেহে  
আপনার ভুবনব্যাপিনী মাধুরী উপভোগ  
করিতেছিলেন ।

সুগ্রীব ধীরে ধীরে পার্শ্বতীর সমীপে উপ-  
স্থিত হইল । এবং অতি কোমলভাবে মধুর  
বাক্যে তাঁহাকে বলিতে লাগিল—“হে দেবি !  
দৈত্যরাজ গুপ্ত ত্রিভুবনের একাধিপতি ; আমি

দুর্গা

ঠাঁহার প্রেরিত দূত ; এখানে আপনার  
নিকটে আগমন করিয়াছি ।”

পার্বতী বলিলেন—“কি জ্ঞা আসিয়াছ  
বল ।”

সুগ্রীব বলিল—“সেই দৈত্যরাজের কথা  
আপনাকে শুনাইতে আসিয়াছি । তিনি বলেন,  
‘এই নিখিল ত্রৈলোক্য আমারই । দেবগণ  
আমার আজ্ঞানুবর্তী । এই নিখিল ভূমণ্ডলে  
যেখানে যা সর্বোৎকৃষ্ট রত্ন ছিল, সমস্তই আমার  
করতলগত হইয়াছে । দেবগণ, গন্ধর্ভগণ,  
নাগগণ সকলে আমাকে প্রণাম করিয়া, সেই  
সকল রত্ন আমাকে উপহার দিয়াছেন ।  
আপনিও স্ত্রীরত্ন, সুতরাং আমার অধিকারে  
আসিবার যোগ্য । আমার পত্নী হইলে আপনি  
অতুল পরমৈশ্বর্য্য প্রাপ্ত হইবেন ; বুদ্ধিধারা ইহা  
সমালোচনা করিয়া আপনি আমার অথবা  
আমার মহাবিক্রমশালী ভ্রাতা নিশুন্তের পত্নীত্ব  
স্বীকার করুন’ ।” প্রভুর উক্তি দেবীকে শুনা-



দুর্গা

ইয়া সূত্রীৰ দেবীৰ উত্তৰেৰ প্ৰতীক্ষায় নীৰব  
হইল ।

দেবী কহিলেন—“তুমি সত্য বলিয়াছ ।  
শুভ সঘৰ্কে তুমি কিছুই মিথ্যা বল নাই । শুভ  
ত্ৰিলোকেৰ অধীশ্বৰ ; নিশ্চিন্তও তাঁহাৰই তুল্যা ।  
কিন্তু এই বিবাহ বিষয়ে আমি একটা প্ৰতিজ্ঞা  
কৰিয়াছি । আমি কেমন কৰিয়া তাহা মিথ্যা  
কৰি ?”

সূত্রীৰ জিজ্ঞাসা কৰিল—“কি প্ৰতিজ্ঞা  
বলুন ।”

পাৰ্বতী কহিলেন—“অন্নবুদ্ধিবশতঃ পূৰ্বে  
আমি যে প্ৰতিজ্ঞা কৰিয়াছি তাহা শ্ৰবণ কৰ ।  
আমি প্ৰতিজ্ঞা কৰিয়াছি—

যো মাং জয়তি সংগ্ৰামে যো মে দৰ্পং

ব্যপোহতি ।

যো মে প্ৰতিবলো লোকে স মে ভৰ্তা

ভবিষ্যতি ॥

হুর্গা

যে ব্যক্তি আমাকে সংগ্রামে পরাজিত করিবে, যে ব্যক্তি আমার দর্প চূর্ণ করিবে, যে ব্যক্তি আমার তুল্য শক্তিশালী, তাহাকেই আমি স্বামিত্বে বরণ করিব। অতএব অসুর-রাজ শুশু, অথবা তাঁহার ভ্রাতা নিশুশু এখানে আসুন। বিলম্বে প্রয়োজন নাই। শীঘ্র আমাকে পরাজিত করিয়া আমার পাণিগ্রহণ করুন।”

এতক্ষণ দৈত্যদূত মিষ্টবাক্যে দেবীর সহিত কথা কহিতেছিল। দেবীর এই বিস্ময়কর বাক্য শুনিয়া, অবলার এই অসম্ভব অহঙ্কার দেখিয়া, তাহার মনে ক্রোধের সঞ্চার হইল। সে ত্রিলোকাধিপতির অনুচর, নিজেই দেব-পরাভবের বল ধারণ করে, সে একজন কোমলা কুমারীর গর্ভ সহ করিতে পারিবে কেন? ক্রোধে স্তম্ভীত বলিয়া উঠিল—“হে দেবি! আমি দেখিতেছি, রূপের অহঙ্কারে তোমার মতিবুদ্ধি বিকৃত হইয়াছে। সাবধান!

হুর্গা

আমার সম্মুখে একরূপ কথা আর বলিও না ।  
ত্রিভুবনে এমন পুরুষ কে আছে যে শুভ-  
নিশ্চয়ের সম্মুখে যুদ্ধার্থী হইয়া দাঁড়াইতে পারে ?  
ইন্দ্র তাহার বজ্র হইয়া, বরুণ তাহার পাশ  
লইয়া, কুবের তাহার শক্তি লইয়া, যম তাহার  
দণ্ড লইয়া শুভের বলের সম্মুখে তিষ্ঠিতে  
পারে নাই । শুভনিশ্চয়ের কথা দূরে থাকুক,  
সমস্ত দেবগণ মিলিত হইয়াও আমাদের ত্রাস  
দৈত্যগণের সম্মুখেও দাঁড়াইতে পারে না ।  
তুমি রমণী, তাহাতে একাকিনী ; যুদ্ধার্থিনী  
হইয়া তুমি কিরূপে শুভনিশ্চয়ের সম্মুখে  
দাঁড়াইবে ! আমিই তোমাকে উপদেশ  
দিতেছি । তোমার প্রতিজ্ঞার কথা রাখ ।  
এখন শুভনিশ্চয়ের নিকট গমন কর ।  
কেশাকর্ষণে হতগৌরবা হইয়া যাইও না ।”

পার্কীতী দূতের কথায় ঈষৎ হাসিয়া উত্তর  
করিলেন—“তুমি যাহা বলিলে তাহা ত বটেই ।  
শুভনিশ্চয় যে বলী ও বীৰ্য্যশালী তাহাতে

সন্দেহ কি ? কিন্তু কি করি বল, পূর্বে বিবেচনা না করিয়া আমি প্রতিজ্ঞা করিয়াছি।”

সুগ্রীব বুঝিল, বিনা বলপ্রয়োগে এ রমণী শুভ্রভবনে যাইবে না। বলিল—“তবে আমি দৈত্যরাজকে এই কথা বলি ?”

দেবী বলিলেন—“হাঁ ! তুমি আমার দূত হইয়া সেখানে যাও ; আমি যাহা যাহা বলিলাম, সে সমস্ত দৈত্যরাজকে বল। তিনি শুনিয়া যাহা যুক্তিযুক্ত করিবেন।”

দেবীর উত্তর শুনিয়া সুগ্রীব বড়ই ক্রুদ্ধ হইয়াছিল। ক্রুদ্ধ হইবারই কথা। সে নিজেই একটা পৃথিবীজয়ী বীর, তাহার সম্মুখে একটা ক্ষুদ্র কুমারী বলের গর্ভ করিতেছে, বীরশ্রেষ্ঠ শুভ্রকে যুদ্ধে নিমন্ত্রণ করিতেছে, ইহা কোন্ বীর সহ্য করিতে পারে ? একবার সে মনে করিল, আমিই এই বালিকাটার কেশাকর্ষণ করিয়া দৈত্যরাজের কাছে ধরিয়া লইয়া যাই। কিন্তু তাহা ত হইতে পারে না ! সে কেবল-

দুর্গা

মাত্র দূত হইয়া আসিয়াছে, তাহার যুদ্ধ করা  
নীতিশাস্ত্রের বিরুদ্ধ। এইজন্ত সে মনের রাগ  
মনেই চাপিয়া তাহার রাজার নিকটে গমন করিল,  
এবং শুভ্র যেখানে দানবগণকে লইয়া সভা  
করিয়া বসিয়াছিলেন, সেইখানে উপস্থিত হইল।

(১৩)

শুভ্র সূত্রীবকে দেখিয়াই রমণীর বৃত্তান্ত  
জানিতে চাহিলেন, এবং তাহার সঙ্গেই সে আসিল  
না কেন, তাহার কারণ জিজ্ঞাসা করিলেন।

সূত্রীব করযোড়ে উত্তর করিল,—“মহা-  
রাজ! সে রমণী হয় উন্মাদিনী, না হয়  
গর্ভিনী। আমি তাহার নিকটে যাইয়া  
আপনার আদেশ জানাইলাম। শুনিয়া রমণী  
অবজ্ঞার সহিত বলিল,—‘যে আমাকে যুদ্ধে  
পরাজিত করিতে পারিবে, সেই আমার স্বামী  
হইবে।’ এই বলিয়া সে আপনাকে অথবা  
আপনার ভ্রাতাকে সমরে আহ্বান করিয়াছে।  
বলিয়াছে, “শুভ্র কিম্বা নিশুভ্র এখানে আসুন ;

এবং শীঘ্র আমাকে পরাজিত করিয়া আমার পাণি-গ্রহণ করুন।”

সুগ্রীবের মুখে অপরিচিতার কথা শুনিয়া, সভাস্থ দৈত্যের দল হাস্য করিয়া উঠিল। তাহারা হাসিল, যেন তাহারা সুগ্রীবের কথায় বিশ্বাস করিতে পারিল না। কিন্তু গুপ্ত হাসিলেন না। যে ব্যক্তি স্বকীয় ক্ষমতা ও বীর্য্যবলে ত্রিলোক অধিকার করিতে সমর্থ, দেবতারা যাহার ভয়ে আত্মগোপন করে, সে ব্যক্তি বুদ্ধিতেও যে অসাধারণ তাহাতে সন্দেহ কি ? তাহার ভিতরে দেবতাদিগেরও অধিক শক্তি বিद्यমান। তবে দেবতা ও দানবে প্রভেদ এই, দেবতারা সত্বগুণ প্রধান, আর দানবদিগের ভিতরে রজঃ ও তমোগুণের আধিক্য।

এই তিন গুণের বিষয় সম্যক্রূপে বুঝা তোমাদিগের পক্ষে অপাততঃ কঠিন হইবে। তথাপি আমি এই গুণের কথা

হুর্গা

উল্লেখ করিলাম। এই সময় হইতেই তোমা-  
দের এই ত্রিগুণ সম্বন্ধে অন্ততঃ সামান্য কিছু  
জ্ঞান থাকা আবশ্যিক।

তোমরা হয়ত দেখিয়াছ যে, তোমাদের  
বালকবালিকাদিগের মধ্যে চরিত্রগত কত  
প্রভেদ! যদি না দেখিয়া থাক, তাহা হইলে  
এইবার হইতে দেখিও; এবং সেই সঙ্গে আপনার  
দিকেও দৃষ্টি করিও। তাহা হইলে এই  
তিনটি গুণসম্বন্ধে অনেকটা উপলব্ধি করিতে  
পারিবে।

তোমাদিগের মধ্যে দেখিবে কেহ সদানন্দ-  
ময়, কেহ অভিমানী, কেহ ক্রোধী, কেহ  
শাস্ত, কেহ চঞ্চল; কেহ কর্মকুশল,—সর্বদাই  
কাজ করিতে ভাল বাসে; কেহ অলস—কাজ  
করিতে চাহে না,—কাজের কথা শুনিলেই  
তাহার জ্বর আসে; কেহ পরকে দান করিয়া  
আনন্দলাভ করে, কেহ পরের নিকট হইতে  
লইতে পারিলেই সন্তুষ্ট হয়; কেহ পিতা মাতা

প্রভৃতি গুরুজনকে ভক্তি করে, আবার কেহবা তাঁহাদের সর্বদাই বিরক্ত করিয়া থাকে। একটু স্থিরতার সহিত দেখিলেই তোমরা তোমাদের মধ্যে এই চরিত্রগত পার্থক্য বুঝিতে পারিবে। কেন এই পার্থক্য হয়, পরে বলিতেছি। আগে এই গুণের মহিমা শুন।

ঋষি বলেন—এই তিনটি গুণ লইয়াই জগতের অস্তিত্ব। যেদিন জগৎ হইতে এই তিনটি গুণ তিরোহিত হইবে, সেই দিনই জগতের ধ্বংস হইবে। তখন বৃক্ষ, লতা, পশু, পক্ষী, মানব, নদী, পর্বত, এই পৃথিবী, আকাশে চন্দ্র, সূর্য্য, তারা, নক্ষত্র ও দেবতা কিছুই থাকিবে না।

আত্মশক্তি মহামায়া এই তিনটি গুণ লইয়াই তাঁহার এই বিশাল সংসার রচনা করিয়াছেন। তোমরা ত পূর্বেই দেখিয়াছ, নারায়ণ অনন্ত শযায় যোগনিদ্রায় মগ্ন হইয়া শয়ন করিয়াছিলেন। ব্রহ্মার কাতর আহ্বা-



দুর্গা

নেও তিনি আগরিত হইলেন না। শেষে  
ব্রহ্মা স্তবে মহামায়ার আবাহন করিলেন।  
আত্মশক্তি মহামায়ার আবির্ভাবের সঙ্গে সঙ্গে  
নারায়ণের নিদ্রাভঙ্গ হইল। অমনি মধু-  
কৈটেভের নিধনে ভুবন সৃষ্ট হইল।

যিনি পরমেশ্বর তাঁহাকে ঋষিরা নিঃশূণ  
বলিয়াছেন। কিন্তু মহামায়া গুণময়ী। তাঁহারই  
সাহায্যে ভগবান সংসারের সৃষ্টি করিয়াছেন।  
এই জগত্ই মহামায়ার নাম আত্মশক্তি— আদি-  
জননী।

সুতরাং সংসারের সমস্ত সৃষ্ট পদার্থেই  
সত্ত্ব, রজঃ, তমঃ,—এই তিনটি গুণ আছে।  
এই ত্রিগুণ স্থলে আছে, জলে আছে, বায়ুতে  
আছে ; পশুপক্ষী জীবে আছে, মানুষে আছে ;  
দৈত্যে আছে, দেবতায় আছে ; ব্রহ্মা বিষ্ণু  
শিবে আছে। উচ্চদেবতা হইতে আরম্ভ করিয়া  
মৃত্তিকার একটা পরমাণু পর্য্যন্ত কেহই এই  
ত্রিগুণের খেলা হইতে নিস্তার পায় নাই।

তবে এই তিনটি গুণ সকল বস্তুতে সমান নয়। কাহাতে সত্বগুণ অধিক, কাহাতে বা রজোগুণের আধিক্য, কাহাতে বা তমোগুণের প্রাধান্য।

নির্মলতা সত্বগুণের চিহ্ন; রজোগুণের চিহ্ন চঞ্চলতা; তমোগুণের অলসতা। এই তিন গুণের এই তিনটি প্রধান চিহ্ন। এই সকল চিহ্নের আবার নানারূপ। সে সমস্ত সবিস্তারে উল্লেখ করা এ ক্ষুদ্র পুস্তকের উদ্দেশ্য নয়। এই বলিলেই যথেষ্ট হইবে, এ জগতে যাহা কিছু নির্মল ও মধুরতাময়, তাহাই সত্ব-গুণপ্রধান; যাহা চঞ্চল ও ক্রিয়ানীল, তাহাতেই রজোগুণের আধিক্য, এবং যাহা গতিহীন ও ক্রিয়াহীন, তাহাতে তমোগুণ অধিক পরিমাণে অবস্থান করিতেছে।

সত্বগুণ হইতে শান্তি, সুখ ও মধুরতা উৎপন্ন হয়; কামক্রোধাদি রিপু এবং সেই জন্ম চিন্তের অস্থিরতা ও শোকদুঃখাদি রজো-

হুগা

শুণ হইতে উৎপন্ন হইয়া থাকে ; মোহ ও মত্ততা তমোগুণের ফল ।

দেবতার সত্বগুণের প্রাধান্য, এই জন্ত তাহারা শান্তিময় ও সুখী । দানবে রজঃ ও তমোগুণের প্রাধান্য, এই জন্ত তাহারা ক্রোধী, লোভী ও চিরলালসাময়—জগতের আধিপত্য লাভ করিলেও তাহাদের লালসা মিটে না, স্মতরাং দুঃখ ঘুচে না ।

এইবারে মানুষ লইয়া কথা । আমি তোমাদিগকে পূর্বে পরম্পরের চরিত্রগত পার্থক্য লক্ষ্য করিতে বলিয়াছি । আবার সেই সঙ্গে নিজের নিজের চরিত্রের প্রতিও দৃষ্টি নিক্ষেপ করিতে বলিয়াছি । কেন বলিয়াছি, এইবারে কতক বুঝিতে পারিয়াছ । সত্ব, রজঃ, তমঃ—ত্রিগুণের যে কি গুণ তাহা বোধ হয় অসম্ভব করিয়াছ ।

তোমাদিগের মধ্যে যে বালকবালিকা সদানন্দময়, শান্ত, পরোপকারী, সত্যবাদী,

গুরুজন ও দেবতার ভক্তিয়ুক্ত এবং যে কুটিলতা, ক্রোধ ও লোভ শূন্য, সে সত্ব প্রধান। জানিও, দেবতার গুণ তাহাতে বর্তমান রহিয়াছে। যে ক্রোধী, লোভী, অভিমানী, চঞ্চল, যে দাস্তিক, দৃষ্ট, পরুষ প্রকৃতিক তাহাতে অধিক পরিমাণে রজোগুণ আছে। যে অলস, অকর্মণ্য, কাজের নামে যাহার জর আসে, বসিয়া বসিয়া খাইতে ভালবাসে, দিবারাত্রি ঘুমাইতে চায়, অথবা বসিয়া বসিয়া পরনিন্দায় কালকাটায়, তাহাতে তমোগুণ অধিক পরিমাণে অবস্থান করিতেছে। জানিও, ইহারা অশুরের স্বভাব প্রাপ্ত হইয়াছে।

এইবারে সকলে নিজে নিজের চরিত্রের প্রতি লক্ষ্য করিবে। লক্ষ্য করিয়া বুঝিবে তুমি কোন্ স্বভাবসম্পন্ন—দেব কিম্বা দানবীয়।

পূর্বেকৃত গুণগুলিকে ভগবান গীতায় সম্পত্তি বলিয়াছেন। ধনমানাদি ঐশ্বর্যকে

ছর্গা

তিনি সম্পত্তি বলেন নাই। যদি তোমরা দৈব সম্পদের অধিকারী হও, তাহা হইলে তোমরা ক্ষুদ্র মানবাকারে দেবতা। আর যদি তোমরা আশুরী সম্পদের অধিকারী হও, তাহা হইলে—দুঃখ করিও না—তোমরা সুন্দর মানব দেহে দানবের স্বয়ং লাভ করিয়াছ।

ইহাতে হতাশ হইবার প্রয়োজন নাই। প্রত্যেক মানবের ভিতরে এই দুই ভাব আছে। পূর্ণদেবতা ও পূর্ণদানব মানবের ভিতরে নাই। আর যদিই থাকে, তা আমাদের সাধারণ মানবের অঙ্গেয়।

যে দেব-ভাবাপন্ন তাহার ভিতরেও আশুরিক গুণ অনেক বিদ্যমান আছে। যে অশুর-ভাবাপন্ন সে ব্যক্তিও অনেক দৈবী সম্পদের অধিকারী। দিবারাত্রি আমাদের ভিতরে এইরূপ দেব-দানবের যুদ্ধ চলিতেছে। আমরা সকলেই অশুরভাব দূর করিয়া অস্তরে দৈব-ভাব প্রতিষ্ঠা করিতে অল্প বিস্তর চেষ্টা করি-

তেছি। তোমরাও চেষ্টা কর। যখন অশক্ত বোধ করিবে, তখন মহামায়ার শরণাপন্ন হইবে। তিনি তাঁহার শক্তি দিয়া অসুরগুণাকে দূর করিয়া দিবেন। তখন তোমরা মাতৃভূমির বক্ষে নৃত্যশীল এক একটা দেবশক্তি নিজ নিজ রূপ প্রভার জন্মভূমির মহিমা বিস্তার করিতে সমর্থ হইবে।

দৈত্যরাজ শুভ্র জগতের সর্বশ্রেষ্ঠ রত্নাদির অধিকারী হইয়াছিলেন। লোক-চক্ষে তাঁহার পাইবার আর কিছুই অবশিষ্ট ছিল না। তথাপি তাঁহার বাসনার বিলয় হয় নাই। আরও কোথা হইতে কি যেন পাইবার জ্ঞ, পূর্ণ ঐশ্বর্যের মধ্যে, জগতের সর্বশ্রেষ্ঠ আসনে বসিয়াও তিনি আকাজ্জক ভারে অবসন্ন হইতে ছিলেন। এমন সময়ে চণ্ডমুণ্ড আসিয়া তাঁহাকে রমণী-রত্নের সংবাদ প্রদান করিল। অতৃপ্তলালসা রমণীরত্নের নাম শুনিবামাত্র প্রজ্বলিত হইয়া উঠিল। যদি কামনারই

দুর্গা

নিবৃত্তি না হইল, তখন অনন্ত ঐশ্বর্যেই বা  
সুখ কোথায় ?

লালসাপূর্ণ হৃদয়ে অসুখী দৈত্যেশ্বর প্রতি-  
মূর্ত্তেই সে বরবর্ণিনীর আগমন প্রতীক্ষা  
করিতেছিলেন। তাঁহার বিশ্বাস ছিল, সুন্দরী  
তাঁহার আদেশ বহুসম্মানে শিরে ধরিয়া  
তাঁহাকে পতিত্বে বরণ করিতে আসিবে।

(১৪)

শুভ সিংহাসনে বসিয়াই সুন্দরীর আগমনের  
অপেক্ষা করিতেছিলেন, এমন সময়ে সুগ্রীব  
আসিয়া অশুভ সংবাদ প্রদান করিল।  
পার্বত্যের গর্ভকথা শুনিয়া সভাশুদ্ধ লোক  
হাসিল ; কিন্তু শুভ হাসিলেন না।

তাঁহার প্রচণ্ড দম্ভে আজ প্রথম আঘাত  
লাগিয়াছে। শুধু তাই নয়, ত্রিলোকের জীব  
—দেবদানব যক্ষ গন্ধর্ব—তাঁহার তেজের  
সম্মুখে তিষ্ঠিতে পারে নাই, সেই দুর্জয়

শক্তিকে ব্যাহত করিবার জন্য এক রমণী  
দণ্ডায়মান হইয়াছে।

তাঁহাকে অবলা জ্ঞান করিতে দৈত্যরাজের  
সাহস হইল না। সুগ্রীবের কথা শুনিবামাত্র  
শুভ বুঝিয়া ছিলেন, অবলার কমনীয় কলেবরে  
ত্রিভুজন-নাশিনী শক্তি লুকাইয়া, সেই রমণী  
তাঁহাকে ও তাঁহার ভ্রাতা নিশুভকে সমরে  
আহ্বান করিয়াছে। সুগ্রীবাদি ক্ষুদ্রবুদ্ধি দানব  
কেশাকর্ষণে রমণীকে ধরিয়া আনিবার স্পর্ধা  
করিতে পারে, কিন্তু শুভ তাহা পারিলেন  
না। অথচ সমরের আহ্বান পাইয়া বসিয়া  
থাকা তাঁহার জায় বীরের অসম্ভব।

রমণীর বাক্য শুনিয়া, অদম্য লালসার  
পথে প্রতিহত হইয়া, যদিও ক্রোধে তাঁহার  
সর্বশরীর কম্পিত হইতেছিল, তথাপি তিনি  
একান্ত বুদ্ধিহীনের কাৰ্য্য করিলেন না।  
সভাস্থ যে কোন একজন বীরকে দিয়া রমণীকে  
বন্দি করিতে আদেশ দিলেন না।



হুর্গা

সভাস্থ অসুরগণের মধ্যে প্রত্যেকেই সেই উদ্ধতা রমণীকে ধরিয়া আনিবার জন্য দৈত্য-রাজের আদেশের অপেক্ষা করিতেছিল।

শুভ তাহাঙ্গিকে নিরাশ করিয়া, পার্শ্ববর্তী দানব সেনানী ধূম্রলোচনকে সযোজন করিয়া বলিলেন—“ধূম্রলোচন! তুমি নিজের সৈন্ত পরিবারিত হইয়া, হিমালয়ে যাও ; এবং সেই ছুটীর কেশাকর্ষণে তাহাকে বিবশা করিয়া আমার নিকটে আনয়ন কর।

সভাশুদ্ধ দানব রাজার কথার বিশ্বাসস্থিত হইল। একজন অবলাকে বন্দিণী করিতে এত আয়োজন !

কিন্তু রাজার কথার কে প্রতিবাদ করিতে সাহস করিবে ? ধূম্রলোচন সৈন্ত লইয়া পার্শ্ব-তীকে বন্দিণী করিতে চলিল।

এখন হইতে আমরা মাকে হুর্গা নামে অভিহিত করিব। শুভ নিজেই তাহাকে ঐ নামে অভিহিত করিয়াছিলেন। শুভনিগুণ্ডের

## দুর্গা

সঙ্গে অগ্নাতা চণ্ডিকার যে ত্রিভুবনের ভয়াবহ সংগ্রাম হইয়াছিল, তাহাতে তাঁহাকে প্রয়োজন বশে অনেক রূপ ধরিতে হইয়াছিল। দানবসকল মায়াবী। তাহারা যখন যেমন মায়া আশ্রয় করিয়া যুদ্ধার্থে মহামারার সম্মুখে উপস্থিত হইয়াছিল, মহামারীও তখনই সেই প্রকার মারার প্রতিকূলে আপনার প্রাণ আচ্ছাদিত করিয়া তাহাদের সংহার করিয়াছিলেন। সেই সকল স্বকীয় অনন্তশক্তি হইতে উৎপন্ন ভিন্ন ভিন্ন কার্যকরী শক্তিকে তিনি নিজেই ভিন্ন ভিন্ন নাম প্রদান করিয়াছিলেন।

তথাপি তিনি পূর্ণা। অনন্ত শক্তি তাঁহা হইতে উৎপন্ন হইয়াছে, তথাপি তাঁহার স্বকীয় অনন্ত শক্তির কণামাত্রও হ্রাস হয় নাই। একথা গুনিতে বড় বিচিত্র! তোমরা আমরা জানি, ষোল আনা হইতে এক আনা বাদ পড়িলে পোনেরো আনা অবশিষ্ট থাকে, দুই আনা গেলে চৌদ্দ আনা। এইরূপ যতই বাদ

ভূর্গা

পড়িবে ততই ষোল আনা কমিতে থাকিবে।  
ষোল আনা বাদ পড়িলে আর কিছুই অবশিষ্ট  
থাকে না।

কিন্তু মহামায়ার লীলা বিচিত্র! তাঁহা  
হইতে এ অনন্ত ব্রহ্মাণ্ডের উৎপত্তি হইয়াছে।  
অনন্ত জীব, অনন্ত সূর্য্য চন্দ্র নক্ষত্র তারা—  
এক কথায় অনন্ত ব্রহ্মাণ্ড অনন্ত শক্তির আভাস  
লইয়া তাঁহা হইতে উৎপন্ন হইয়াছে। মায়ের  
শক্তিরূপ হইতে যে সকল দেবীর উদ্ভব  
হইয়াছে, তাঁহারাও এক একটা অনন্তশক্তি-  
ধারিণী। তথাপি মা আমার যে অনন্ত সেই  
অনন্ত।

ঋষি বলিয়াছেন :—

পূর্ণমদঃ পূর্ণমিদং পূর্ণাৎ পূর্ণমুদচ্যতে।

পূর্ণস্ত পূর্ণমাদায় পূর্ণমেবাবশিষ্যতে ॥

এক পূর্ণ হইতে পূর্ণ উৎপন্ন হইয়াছে।  
পূর্ণ হইতে পূর্ণ বিযুক্ত হইয়াও পূর্ণ অবশিষ্ট  
রহিয়াছে।

## দুর্গা

সেই পূর্ণরূপিনী জননী এই প্রচণ্ড অসুর সংহারকালে, জগতের জীবের দুর্গতি নাশ করিতে দশ হস্ত বিস্তার করিয়া, দশভূজে দশ প্রহরণ ধরিয়া, জীবের বিপদ দশদিকে দূর করিয়াছিলেন। সেই দুর্গতিনাশিনী দশভূজাকে আমরাও কোন্ অনাদিকাল হইতে দুর্গা বলিয়া আবাহন করিয়া আসিতেছি।

দেবীর এই লোমহর্ষণ যুদ্ধের বিবরণ ঋষি যেভাবে বর্ণন করিয়াছেন, তাহা সম্পূর্ণরূপে এই পুস্তকে প্রকাশ করা অসম্ভব। সংক্ষেপে বর্ণনা করিয়া এই লীলাকাহিনী সমাপ্ত করিব।

(১৫)

প্রথমে ধূম্রলোচনের সহিত যুদ্ধ। এ যুদ্ধটা তাহার সৈন্তের সহিত দেবীর সিংহের যুদ্ধ বলিলে অত্যাক্তি হয় না। কেন না ধূম্রলোচনকে বড় একটা যুদ্ধ করিতে হয় নাই। তাহার দস্ত আক্ষালন মাত্রই সার হইয়াছিল।

## ছর্গা

সে ষাট হাজার দানবসেনা লইয়া ছর্গাকে বন্দিনী করিতে আসিয়াছিল। আসিয়া দেখিল, ছর্গা পূর্বমত হিমালয়ের অধিত্যকার আপনার মনে বিচরণ করিতেছেন।

ধুম্রলোচন ভাবিয়াছিল, নিশ্চয়ই দৈববল কুমারীর পৃষ্ঠরক্ষা করিতেছে। স্তম্ভরীকে সম্মুখে রাখিয়া দেবতারা পর্বতশৃঙ্গের অন্তরালে লুকাইয়া আছে। শুভ্রও তাই বিশ্বাস করিয়াছিলেন। সেইজন্য ধুম্রলোচনকে প্রেরণকালে বলিয়াছিলেন—“সেই রমণীকে রক্ষা করিতে যদি কোন দেবতা, যক্ষ, গন্ধর্ব্ব অথবা অপর কেহ যুদ্ধার্থে অগ্রসর হয়, তুমি তাহাকেও বধ করিবে।”

ধুম্রলোচন দেবীকে ভিন্ন আর কাহাকেও দেখিতে পাইল না। কেবল দেখিল, একটা কুণ্ডলিত সিংহ অধিত্যকার একস্থানে নিদ্রিতবৎ পড়িয়া আছে। সে সৈন্তগণকে পশ্চাতে রাখিয়া নিজেই ছর্গার সমীপে উপস্থিত হইল; এবং

হুর্গা

অন্ত কোন কথা না কহিয়া একেবারেই  
বলিল—“শুভ নিশ্চয়ের নিকটে চল ।”

হুর্গা বলিলেন—“যদি না যাই ?”

ধূম্রলোচন বলিল—“যদি প্রীতিসহকারে  
আমার প্রভু শুষ্টের নিকট গমন না কর,  
তাহা হইলে আমি বলপূর্বক তোমাকে কেশা-  
কর্ষণে বিবশা করিয়া লইয়া যাইব ।”

হুর্গা কহিলেন—“দৈত্যের শুষ্ট তোমাকে  
পাঠাইয়াছে । তুমি আবার একা আগমন  
কর নাই, সঙ্গে কতকগুলো সৈন্ত আনিয়াছ ।  
তুমি নিজেও কম বলশালী নও—অনেক  
দেবতাকে যুদ্ধে হারাইয়াছ । তুমি যদি বল-  
পূর্বক আমার কেশাকর্ষণ করিয়া লইয়া যাও,  
আমি আর তোমার কি করিব ?”

হুর্গার এই কথা শুনিবামাত্র ধূম্রলোচন  
ক্রোধে আরক্তনয়ন হইয়া তাঁহাকে ধরিবার  
অন্ত ধাবিত হইল । নিকটস্থ হইয়া যেমন  
সেই হুর্গা অসুর দেবীর কেশ ধরিবার অস্ত

দুর্গা

হস্ত প্রসারণ করিল, অমনি দুর্গা একটি ছক্কার প্রদান করিলেন।

এখন কোথায় দুর্দাস্ত অসুর ধুম্রলোচন ? অসুরসেনাগণ দূর হইতে দেখিল, তাহাদের সেনাপতি দেবীর ছক্কারে চক্কের নিমেষে ভস্মে পরিণত হইয়াছে। তাহারা এই অদ্ভুত ব্যাপার দেখিয়া স্তম্ভিত হইয়া গেল ; এবং কি করিবে স্থির করিতে না পারিয়া, দুর্গার প্রতি বাণ, শক্তি, কুঠার প্রভৃতি নিক্ষেপ করিতে লাগিল।

এখন সিংহ শুইয়া শুইয়া অন্ন অন্ন চোখ মেলিয়া রহস্য দেখিতেছিল। কিন্তু যেই দেখিল ধুম্রলোচন মরিয়াছে, আর তার নারক-বিহীন সৈন্যগুলা দেবীর প্রতি অস্ত্র নিক্ষেপ করিতেছে, তখন সে আর স্থির থাকিতে পারিল না। সিংহ উঠিয়া একবার গা মোড়া দিয়া লইল, গোটা কতক হাই তুলিল, তারপর কেশর ফুলাইয়া সেই উচ্চ অধিত্যকা

হইতে এক লক্ষ ধূম্রলোচনের সৈন্তগণের মধ্যে গিয়া পড়িল। পড়িয়াই আক্রমণে সে অসুরগুলাকে অস্থির করিয়া তুলিল। চপেটাঘাতে সে কাহারও মাথাটা উড়াইয়া দিল, কামড়দিয়া কাহারও বা মাথা গুঁড়াইয়া ফেলিল। কাহারও হাত ছিঁড়িল, কাহারও পা ছিঁড়িল, নখে কোন অসুরের পেট চিরিল; কোন মহাসুরকে বুকে পিষিয়া মারিল; কল্পিতকেশরে ভীষণ মূর্ত্তি ধরিয়া কোন অসুরের বা রক্ত পান করিতে লাগিল। অসুরসৈন্ত মধ্যে ছলছুল পড়িয়া গেল। সিংহের সঙ্গে যুদ্ধ করা সুবিধার কাজ নয় দেখিয়া তাহারা পলায়ন করিল।

ধূম্রলোচনের নিধনবার্ত্তা শুন্তের নিকট পৌঁছিল। শুন্ত শুনিলেন, বিনা অস্ত্রে রমণী তাঁহার মহাবল সেনাপতিকে সংহার করিয়াছে, আর তার বাহন সিংহটা তাহার ষাটহাজার সৈন্তকে তাড়াইয়া দিয়াছে।



## ছুর্গা

ইহা শুনিয়াও তাহার স্মৃতি হওয়া উচিত ছিল। বুঝা উচিত ছিল, যাহার একটা বাহন ষাটহাজার দানবসেনাকে দূর করিয়া দিবার বল ধরে, সে রমণীর কত শক্তি! বুঝিয়া ক্ষমা স্বীকার করিয়া তাঁহার মায়ের শ্রীচরণে লুটিয়া পড়া উচিত ছিল। কিন্তু দারুণ দস্ত দৈত্যরাজকে সে কার্য্য করিতে দিল না। বরং এই যুদ্ধের সংবাদে তাঁহার ক্রোধ দ্বিগুণ জ্বলিয়া উঠিল। তিনি চণ্ডমুণ্ডকে আহ্বান করিলেন। এই চণ্ডমুণ্ড দুই ভাই শুভকে ছুর্গার সংবাদ দিয়াই এই অনর্থ বাধাইয়াছে।

তাহারা নিকটে আসিলে দৈত্যরাজ তাহা-  
দিগকে আদেশ করিলেন—“হে চণ্ড! হে  
মুণ্ড! এখনি তোমরা সৈন্তসামন্ত লইয়া  
হিমালয়ে গমন কর; আর সেই দুষ্টা রমণীর  
কেশাকর্ষণ করিয়া, অথবা তাহাকে বন্ধন  
করিয়া আমার নিকটে লইয়া আইস। যদি  
কেশাকর্ষণ কিম্বা বন্ধন করিয়া আনিতে অপা-

## দুর্গা

রগ হও, তাহা হইলে তোমাদের সমস্ত অসুর  
সৈন্তের সহিত মিলিয়া তাহাকে বধ করিবে।  
তার সেই দুঃস্থ সিংহটাকেও পিঞ্জরাবদ্ধ  
করিয়া লইয়া আসিবে। তাহাতে অক্ষয় হইলে  
তাহাকেও বধ করিবে।

(১৬)

শুভ্রের আজ্ঞা পাইয়া চণ্ড ও যুগু সৈন্ত  
লইয়া দুর্গার সহিত যুদ্ধ করিতে চলিল। মা  
এবারে সিংহের উপর আরোহণ করিয়াছেন।  
চণ্ড ও যুগু সৈন্তে তথায় উপস্থিত হইয়া  
দেখিল, সিংহবাহিনী মৃদুমধুরহাস্তে দৈত্যদের  
আগমন প্রতীক্ষা করিতেছেন।

দুর্গাকে একাকিনী দেখিয়া উৎসাহের  
সহিত দুই ভাই তাঁহাকে ধরিবার জন্য অগ্রসর  
হইল। তাহারা দুর্গা ও সিংহ দুইটাকেই  
ধরিয়া লইবার জন্য আদিষ্ট হইয়াছে। দুর্গাকে  
ধরা তাহারা বড় কঠিন কার্য মনে করে নাই।

দুর্গা

কিন্তু দুর্গাকে ধরিতে তাহার দুই সিংহটা যদি পলাইয়া যায়, তাহা হইলে তাহাকে ধরিতে তাহাদের বড়ই কষ্ট পাইতে হইবে। শূঙ্গে শূঙ্গে লক্ষ দিয়া দেখিতে দেখিতে কোন গুহাতে যে সেটা লুকাইবে যে, শত চেষ্টাতেও তাহারা তাহাকে খুঁজিয়া বাহির করিতে পারিবে না। চণ্ড ও মুণ্ডের সেইটাই যেন বড় ভাবনার বিষয় ছিল। এখন সিংহটাকে ভগবতীকে পৃষ্ঠে বহন করিতে দেখিয়া তাহাদের বড় আহলাদ হইল। দুইটাকে একসঙ্গে ধরিবার সুযোগ দেখিয়া দুই ভাই দেবীর দিকে বেগে ধাবমান হইল। প্রচণ্ড অসুর সৈন্য, নানা অস্ত্রে সজ্জিত হইয়া তাহাদের সঙ্গে সঙ্গে চলিল।

তাহাদিগকে দেখিবামাত্র দুর্গার বিষম ক্রোধ উপস্থিত হইল। তাহার যে সুন্দর বদন শতচন্দ্রের দ্যুতিতে এতক্ষণ ত্রিভুবন মোহিত করিতেছিল, অসুরের উপর ক্রোধে

ছুর্গ।

সহসা তাহা কৃষ্ণবর্ণ ধারণ করিল। সঙ্গে  
সঙ্গে তাহার ক্রকুটী কুটিল ললাট হইতে—  
করালবদনা কালী, অসিপাশ ছু'টী ভুঞ্জে তার,  
বিচিত্র মুদগর করে, চাক্রগলে নরশির হার ;  
ব্যাম্বচর্ম্য পরিধান, শুষ্ক মাংস, অতীব ভীষণা,  
বিলোলরসনা ভীমা অতিশয় বিস্তার-বদনা ;  
কোটরে প্রবিষ্ট আধি সদা তাহে শোণিত-ক্ষুরণ,  
দশদিক আপূরিত কি প্রচণ্ড ভৈরব গর্জন !

আধার বরণা এক অপরূপা দেবী প্রাহু-  
ছু'তা হইলেন। প্রাহুর্ভাবের সঙ্গে সঙ্গেই  
তিনি অতি বেগে দৈত্য সৈন্তের উপরে  
পতিত হইলেন ; এবং তাহাদিগকে ধরিয়া  
ভক্ষণ করিতে লাগিলেন। হাতী ধরিয়া,  
সেই হাতী, তাহার পিঠের যোদ্ধা ও মাহুত—  
সমস্ত খাইতে লাগিলেন। এইরূপে ঘোড়-  
সওয়ার সমেত ঘোড়া, সারথী সমেত রথ, যাহা  
যখন সম্মুখে পড়িতে লাগিল, তাহাই মুখে  
পূরিয়া, কড়মড় করিয়া চিবাইয়া পেটে পূরিতে

ছুর্গা

লাগিলেন । চণ্ডমুণ্ড এ এক নূতন বিপদ দেখিয়া ছুর্গাকে পরিত্যাগ করিয়া সমস্ত অসুর সৈন্য লইয়া সেই কুব্জবর্ণা দেবীকে আক্রমণ করিল ।

দেবী তাহাদের নিকৃষ্ট অস্ত্র সকল দস্ত দ্বারা চূর্ণ করিতে আরম্ভ করিলেন । তাঁহার আহারের ব্যাপার দেখিয়া অসুর সকল পলাইতে আরম্ভ করিল । কিন্তু সেই সংহারিণী মূর্তির নিকট হইতে কোথায় পলাইয়া তাহারা নিস্তার পাইবে ? দেবী তাহাদিগকে হত্যা করিতে করিতে চণ্ডের নিকটে উপস্থিত হইলেন এবং তাহার কেশ আকর্ষণ পূর্বক খড়্গ দ্বারা তাহার শিরশ্ছেদ করিলেন ।

চণ্ডকে নিহত দেখিয়া মুণ্ড অস্ত্র লইয়া দেবীর দিকে অগ্রসর হইল ; এবং অবিলম্বেই ভ্রাতার দশা প্রাপ্ত হইল ।

ছুই মুণ্ড হস্তে হইয়া কালী ছুর্গাকে উপহার দিলেন । সেই ছুই মহাসুরকে নিহত দেখিয়া কল্যাণময়ী জগজ্জননী তাঁহাকে বলিলেন,

হুর্গা

“যেহেতু তুমি চণ্ড ও মুণ্ডকে লইয়া আসিয়াছ,  
এইজন্য আজি হইতে হে দেবি ! জগতে তোমার  
চামুণ্ডা নাম প্রসিদ্ধ হইল।

(১৭)

এইবারে শুভ ও নিশুভের পাল। চণ্ড ও  
মুণ্ডের নিধনবার্তা শুনিয়াই দৈত্যরাজ দেবীর  
বধার্থ, যেখানে যত দৈত্য ছিল, সকলকেই  
প্রস্তুত হইতে বলিলেন। তাঁহার আজ্ঞামাত্র  
সময়ের বিপুল আয়োজন আরম্ভ হইল।

দৈত্য সামন্তেরা তাহাদের সত্রাটের সহিত  
এই প্রচণ্ড যুদ্ধে যোগদান করিতে আসিল।  
কালক বংশীর, মুর বংশীর—এইরূপ নানা  
বংশের অসুরগণ যুদ্ধ করিতে ছুটিয়া আসিল।

সেই অগণ্য সৈন্তের সেনাপতি হইয়া, তাই  
নিশুভকে সঙ্গে লইয়া শুভ হুর্গার বিরুদ্ধে যুদ্ধ-  
যাত্রা করিলেন।

অতি ভীষণ সেই সৈন্তকে আসিতে দেখিয়া

## দুর্গা

দেবী ধনুষ্টকার শব্দে ধরণী ও গগনের অন্তর পূর্ণ করিয়া ফেলিলেন। সিংহ ক্রোধে কেশর ফুলাইয়া অতি মহান্ শব্দ করিল। মা দুর্গতি-নাশিনী ঘণ্টাধ্বনিতে সেই শব্দ দ্বিগুণ করিয়া তুলিলেন। বিস্তারিতবদনা চামুণ্ডা এক্রপ ভয়-ঙ্কর শব্দে দিঙ্ মণ্ডল পরিপূর্ণ করিয়া ফেলিলেন যে, ভগবতী দুর্গার ধনুষ্টকার ও ঘণ্টাধ্বনি এবং সিংহের প্রচণ্ড গর্জন ও তাহার ভিতরে ডুবিয়া গেল !

বাস্তবিক দেবতার। অন্তরাল হইতে মায়ের এই যুদ্ধ ব্যাপার দেখিতেছিলেন। অন্তরালে থাকিয়াই তাঁহারা ধূমলোচন ও চণ্ডমুণ্ডের বধে আনন্দপ্রকাশ করিতেছিলেন। কিন্তু সমস্ত দৈত্যবল সঙ্গে স্বয়ং গুপ্তকে আসিতে দেখিয়া তাঁহারা আর স্থির থাকিতে পারিলেন না। তাঁহারা বুঝিলেন, আত্মশক্তির যে শক্তিপ্রসাদে তাঁহারা এতদিন নিজ নিজ অস্তিত্ব রক্ষার সমর্থ হইয়াছিলেন, আজ সেই মাতৃদত্ত

## দুর্গা

শক্তি প্রচণ্ড দানবের সংহার কার্যে মায়ের সাহায্যেই প্রয়োগ করিবার প্রয়োজন হই-  
রাছে।

দেবতাদিগের মানসে এই কথা উদ্ভিত হইবামাত্র, তাঁহাদের অন্তর্নিহিত শক্তি সমূহ মুহূর্ত্ত মধ্যে মূর্ত্তি পরিগ্রহ করিয়া আত্মশক্তিকে ঘেরিয়া ধরিলেন। যে যে দেবের যেমন রূপ, যাহার যেমন ভূষণ, যেমন বাহন, সেইপ্রকার রূপ ধরিয়া, ভূষণ পরিয়া, বাহনে আক্ৰাণ হইয়া, সেই সেই দেবের শক্তিরূপা দেবীগণ অসুর-দিগের সহিত যুদ্ধ করিতে আগমন করিলেন। হংসযুক্ত বিমানে আরোহন করিয়া অক্ষয়ত্র কমণ্ডলুকরা ব্রহ্মার শক্তি ব্রহ্মাণী; বৃষাক্ৰাণা ত্রিশূলধারিণী সর্প-বলয়া চন্দ্ররেখা-বিভূষণা মহেশ্বরের শক্তি মাহেশ্বরী; শঙ্খ চক্র প্রভৃতি অস্ত্র হস্ত, গরুড়ের পৃষ্ঠে উপবিষ্টা নারায়ণের শক্তি নারায়ণী; ইন্দ্রের শক্তি ইন্দ্রাণী; কার্ত্তিকের শক্তি ময়ূরাসনা কৌমারী—এইরূপ



হুর্গা

সর্বদেবতার শক্তি শুষ্কসংহারে সহায়তা করিতে আত্মশক্তিকে বেঁটন করিলেন। শুষ্ক রণাঙ্গনে প্রবিষ্ট হইয়াই দেখিলেন, তাহার প্রতিযোগিনী রমণী আর কেহ নহেন, তিনি সর্বশক্তি পরিবৃত্তা সর্বশক্তির সারভূতা স্বয়ং অপরাঞ্জিতা ঈশানী।

আত্মশক্তিকে সংহারে উত্ততা দেখিয়া শুষ্কের ক্রোধের সীমা রহিল না। ত্রিলোকের উপর তাঁহার আধিপত্য। সূতরাং দৈত্যরাজ শুষ্কও অনন্ত শক্তিদর। আজীবন শক্তির সাধনার তাঁহার এই সমস্ত ঐশ্বর্য্য প্রাপ্তি হইয়াছে। অতএব সম্মুখস্থিত শক্তির অধিষ্ঠাত্রীকে দেখিয়া শুষ্কভরে তাঁহার পদপ্রান্তে শুষ্কের পতিত হওরা উচিত ছিল। কিন্তু অহঙ্কারই দৈত্যবলের সর্বপ্রধান উপাদান। শুষ্ক আপনাকে সর্বশ্রেষ্ঠ শক্তিদর হির করিয়া গর্বে ফুলিয়া নিশ্চিন্ত ছিলেন। অতি অহঙ্কারে যে দেবী হইতে তিনি শক্তি লাভ

হুর্গা

করিয়াছিলেন, সেই ঈশ্বরীকে তিনি ভুলিয়া গিয়াছিলেন। এখন তাঁহার পৃথক অস্তিত্ব দেখিয়া শুস্তের প্রাণ জলিয়া উঠিল। তিনি হুর্গার ধ্বংস সাধনে কৃতসঙ্কল্প হইলেন। এবং সমস্ত অশুরবল একত্র করিয়া দেবীকে আক্রমণ করিলেন।

সে ভীষণ যুদ্ধের বর্ণনা আর কি করিব ! সে বহুকালব্যাপী যুদ্ধের কলে সমগ্র জগতের মূর্তি পরিবর্তিত হইয়াছে। যেখানে নগর ছিল, সেখানে সাগর হইয়াছে ; যেখানে সাগর ছিল সেখানে নগর বসিয়াছে। কত হৃদ শৈলে পরিণত হইয়াছে ; কত শৈল সাগরে ডুব দিয়াছে ; কত তারা কক্ষচ্যুত হইয়াছে।

জগতে কিছুকাল ধরিয়া প্রশ্ন উঠিয়াছিল কে-অতিবে ? কোন্ শক্তি একে অস্ত্রের বিনাশ সাধন করিবে ? দেবী না দানবী ?

উগ্রকর্ণা দানব বহবার ভগবতী শক্তিকে বিধ্বস্তপ্রায় করিয়াছিল। বহবার বিরাট অঙ্ক-

দুর্গা

কার আলোককে উদরস্থ করিবার প্রয়াস  
পাইয়াছিল। দেবতারা একান্তে বসিয়া বহবার  
আত্মনিধন আশঙ্কার কম্পান্বিত হইয়াছিলেন।

বহবার তাঁহারা দেখিয়াছিলেন, দানব  
মরিয়াও মরে না। মরিয়া, আবার কেমন  
করিয়া দ্বিগুণ বল লইয়া বাঁচিয়া উঠে! দ্বিগুণ  
বলে সে আবার মহামায়ার দিকে ধাবিত হয়!  
তাঁহারা দেখিয়াছিলেন, কোন দানব রক্তবীজ।  
তাহার মৃত্যু তাহার জীবন হইতেও অধিকতর  
ভয়াবহ! ইন্দ্রানীর বজ্রে, নারায়ণীর চক্রে,  
মাহেশ্বরীর ত্রিশূলে কতবার সে গতপ্রাণ হইয়া  
ভূমিতে পড়িল; কিন্তু তাহার রক্তবিন্দু ভূমিতে  
পড়িবামাত্র, প্রতি রক্তবিন্দু হইতে তাহারই  
তুল্য প্রভাব তাহারই তুল্য দেহশক্তি লইয়া  
এক এক পুরুষ উৎপন্ন হইল। মৃত্যুতে এক  
রক্তবীজ শত শত রক্তবীজে পরিণত হইল!

অনেক আয়াস স্বীকার করিয়া অগ্ন্যাতা  
এই সকল দৈত্যকুলের সংহার করেন। রক্ত-

## দুর্গা

বীজকে বধ করিতে তিনি দেবী চামুণ্ডাকে বদন বিস্তার করিতে আদেশ করেন। রক্তবীজের দেহ হইতে যে সকল শোণিতবিন্দু পতিত হইতে লাগিল, ভূমিতে পড়িবার পূর্বেই তাহা তিনি পান করিতে আরম্ভ করিলেন। স্মরণ্যে সে সকল রক্তবিন্দু হইতে অল্পযোদ্ধা উৎপন্ন হইবার উপায় রহিল না। দুর্গা নানা অস্ত্র দিয়া রক্তবীজকে আঘাত করিতে লাগিলেন, আর চামুণ্ডা কেবল রক্তপানে নিযুক্তা রহিলেন। রক্তবীজ শস্ত্রদ্বারা আহত ও রক্তহীন হইয়া অবশেষে ভূতলে পতিত হইল।

ইন্দ্রানী প্রভৃতি যে সকল দেবী দুর্গাকে সাহায্য করিতে আসিয়াছিলেন, পুরাণে তাঁহাদের নাম অষ্ট-মাতৃকা। এই মাতৃকাগণের শক্তি সাহায্য লইয়া তিনি নিশ্চিন্তকৈ বধ করিলেন।

শুভ এইবারে মহামারীর সংহারে কৃত-সকল হইলেন। প্রাণতুল্য ভ্রাতাকে নিহত

## হুর্গা

দেখিয়া, প্রাণের মমতা পরিত্যাগপূর্বক দৈত্য-  
শ্বর মহাক্রোধে দেবীকে আক্রমণ করিলেন।  
সকট বুঝিয়া অষ্টশক্তি মাতৃস্বার্থ চতুর্দিকে  
হুর্গ-প্রাচীরের স্থায় হুর্গাকে বেষ্টন করিয়া  
রহিলেন। করালবদনা চামুণ্ডা অসিপাশ  
হস্তে লইয়া, মুণ্ডমালা গলে পরিয়া হুর্গদ্বার-  
রক্ষিণীর স্থায় মায়ের সম্মুখে আসিয়া দাঁড়াই-  
লেন।

গুপ্ত হুর্গার নিকটে আসিয়া তাঁহাকে  
সম্বোধন করিয়া বলিলেন—

“বলাবলেপ হৃষ্টেহং মা হুর্গে গর্ষমাবহ।

অশ্রাসাং বলমাপ্রিত্য ষুধ্যসে ষাতিমানিনী ॥

বলগর্ষ হুর্ষিনীতে হুর্গে! তুমি গর্ষ  
করিও না। অতিমানিনী হইয়াও তুমি  
অপরের সাহায্য লইয়া যুদ্ধ করিতেছ।

এই কথা শ্রবণমাত্র হুর্গা কহিলেন—

একৈবাহং জগত্যত্র দ্বিতীয়া কামমাপরা।

পশ্চৈস্তা হৃষ্টমযোব বিশন্ত্যা মদ্বিকৃতরঃ ॥”

## ছর্গা

এই অগতে একমাত্র আমিই আছি, আমি ব্যতীত দ্বিতীয় আর কে আছে ? মে ছুট ! দেখ, আমার বিভূতিরূপা এই সকল মাতৃগণ আমাতেই প্রবেশ করিতেছে ।

যেমন মায়ের মুখ হইতে এই অপূর্ব বাক্য বহির্গত হইল, অমনি অষ্টমাতৃকা—মায়ের দেহে লয় প্রাপ্ত হইলেন । মা ছর্গা একা-কিনীই রণক্ষেত্রে অবস্থান করিতে লাগিলেন । তদবস্থায় তিনি শুভ্রকে সযোধন করিয়া বলিলেন—“নিজের যে ঐশ্বর্য বলে আমি ঋণপূর্বক বহুরূপে অবস্থিতা ছিলাম, সে ঐশ্বর্য এই আমি আত্মদেহে বিলীন করিলাম । এক্ষণে যুদ্ধে আমি একাকিনীই রহিলাম ; তুমি স্থির হও ।”

একদিকে দেব অত্রদিকে দানবগণ দাঁড়াইয়া ঐশ্বরিক ও দানবী শক্তির প্রতিদ্বন্দ্বিতা দেখিতে লাগিল ।

শুভ্র অনেক সময়ে ছর্গাকে বিভ্রত করিয়া-

ছুর্গা

ছিলেন। গুপ্তের নিক্কিণ্ড মহাজ্ঞ সকল দেবী  
যেরূপ ছিন্ন করিতে লাগিলেন, গুপ্তও সেইরূপ  
দেবী-নিক্কিণ্ড অস্ত্র সকল ধ্বংস করিতে  
লাগিলেন। বহুকাল পর্য্যন্ত যুদ্ধে কেহ  
কাহাকেও পরাস্ত করিতে সমর্থ হইলেন না।

গুপ্ত কঠোর তপস্যায় এই অসীম শক্তি  
সঞ্চিত করিয়াছিলেন। তপস্যায় ক্রয় না  
হইলে ত তাহার বিনাশ হইবে না! ইহা  
ভগবানের বিধি। এই জন্ত ছুর্গা তাহাকে  
সহজে পরাস্ত করিতে পারিলেন না। কিন্তু  
মৃত্যু দৈত্যরাজের সন্নিকট হইয়াছিল, কাল  
তাঁহাকে গ্রাস করিবার জন্ত অগ্রসর হইতে-  
ছিল। দৈত্যরাজ অবশেষে নিজের মৃত্যু  
নিজেই ডাকিয়া আনিলেন। তিনি যুদ্ধ  
করিতে করিতে এক সময় ছুর্গাকে দুর্বল  
বুঝিয়া বিনাশের জন্ত তাঁহার কেশাকর্ষণ  
করিলেন। কেশাকর্ষণে নিজের প্রতিজ্ঞা রক্ষা  
করিলেন।

## ছুর্গা

সতীর কেশস্পর্শমাত্র তাঁহার সর্কশক্তির  
বিলস হইল। বজ্রশক্তি যেমন পৃথিবীকে  
স্পর্শ করিলেই তাহাতে বিলীন হইয়া যায়,  
শুভেরও শক্তি সেইরূপ ছুর্গার দেহে লীন  
হইয়া গেল। এই অবকাশে দেবী শূলধারা  
তাঁহার বক্ষবিদারিত করিয়া তাহাকে ভূতলে  
পাতিত করিলেন। দেবীর শূলগ্রধারা  
বিকৃত দৈত্যরাজ প্রাণহীন হইয়া সমাগরা  
সদীপা সপর্কতা পৃথিবী কম্পিত করিয়া ভূতলে  
পতিত হইলেন।

শুভের নিধনে জগৎ প্রসন্ন ও সুস্থ হইল ;  
আকাশ নির্মল হইল ; উদ্ধাবর্ষী মেঘ শাস্ত  
হইল ; এবং নদী সকল প্রকৃত পথে প্রবাহিত  
হইতে লাগিল। দেবগণ পরমানন্দিত  
হইলেন ; গন্ধর্ভগণ গানে, অঙ্গরাগণ নৃত্যে,  
সমস্ত জগৎকে পরিতৃপ্ত করিলেন। সুধদ  
বায়ু প্রবাহিত হইল ; সূর্যের তৃপ্তিপ্রদ কিরণ  
উল্লাসে ধরণীকে স্নান করাইল।



## হুর্গা

ঋষি সুরথ রাজাকে বলিলেন—“মহারাজ এই আমি তোমাকে দেবীমাহাত্ম্য কহিলাম। এই বিষ্ণুমায়ী বা মহামায়ার প্রভাবের তুলনা নাই। সেই মহামায়ী দেবী তোমাকে, এই বৈশ্বকেকে এবং তোমাদিগের ঞ্চার যাহারা বিবেকের অহঙ্কার করে এইরূপ অগ্ৰাণ্ণ জনগণকে মোহিত করিয়া রাখিয়াছেন, এখনও মোহিত করিতেছেন এবং ভবিষ্যতে মোহিত করিবেন। হে মহারাজ! সেই পরমেশ্বরীকে আশ্রয়রূপে অবলম্বন কর।

মেধসমুনির বাক্য শ্রবণ করিয়া সুরথ ও সমাধির শোকসস্তাপ দূর হইয়া গেল। তাঁহারা উভয়েই সেই তপস্বী ও ব্রতধারী ঋষিকে প্রণাম করিয়া তপস্শ্রা করিতে প্রস্থান করিলেন।

তাঁহারা উভয়ে এক নদীতটে শ্রীহুর্গার মূর্ত্তী নির্মাণ করিয়া পুষ্পধূপ হোম ও তর্পণাদি দ্বারা তাঁহার পূজা করিয়াছিলেন।

হুর্গা

তঁাহাদের পূজার পরিতুষ্টা জগদ্ধাত্রী প্রত্যক্ষ  
হইয়া তঁাহাদিগকে বর দান করিয়াছিলেন ।

ভগবতীর বরে রাজা তঁাহার স্বতরাজ্য  
পুনঃপ্রাপ্ত হইলেন ; এবং উভয়েই দিব্যজ্ঞান ও  
অনন্ত শান্তি লাভ করিলেন ।

আমাদের দেশে বর্ষে বর্ষে ভগবতীর বে  
পূজা হয়, রাজা সুরথই তাহার প্রতিষ্ঠা করিয়া  
গিয়াছেন । তবে শুনা যায়, বসন্তকালে তিনি  
শ্রীহুর্গার পূজা করিতেন । অযোধ্যাপতি  
ভগবান রামচন্দ্র রাবণকে সবংশে বধ করিবার  
সঙ্কল্প করিয়া শরৎকালে মায়ের আবাহন  
করিয়াছিলেন । তদবধি প্রতি শরতে আমা-  
দের দেশে আত্মশক্তি মহামায়ার আবাহন  
চলিয়া আসিতেছে ।

মহামায়ার এই চরিত্র শ্রবণে পুণ্য আছে ।  
যা নিজেই বলিয়াছেন,—যাহারা ভক্তিসহকারে  
আমার এই উৎকৃষ্ট মাহাত্ম্য শ্রবণ করিবে,  
তঁাহাদের কিছুমাত্র পাপ থাকিবে না, বিপদ

দুর্গা

ধাকিবে না, দারিদ্র্য ধাকিবে না, প্রিয়বিরোগ  
ঘটিকে না। আমার এই মাহাত্ম্য সর্বদা  
একাগ্রচিত্তে ও ভক্তিসহকারে পাঠ ও শ্রবণ  
করা উচিত; ইহাই কল্যাণের পথ।

এই আমি তোমাদিগের নিকট শ্রীদুর্গার  
বিচিত্র কাহিনী বর্ণন করিলাম। এ কাহিনী  
বাস্তবিকই বিচিত্র। বর্তমান জড়বাদের যুগে  
ইহাকে বিশ্বাস করিতে ইতস্ততঃ করিতে হয়।  
কিন্তু শুদ্ধগণ মায়ের এই অদ্ভুত চরিত্র আপ-  
নারা ওনিরা ও অপরকে ওনারাই সমস্ত জীবন  
আনন্দ উপভোগ করিয়া থাকেন। ধন, মান,  
ঐশ্বর্য, যশ সমস্ত উপেক্ষা করিয়া তাঁহারা  
দীনবেশে মহামায়ার এই মহাশক্তির লীলা  
জগতের সমক্ষে প্রচার করিয়া গিয়াছেন।  
লোকনিন্দা তাঁহারা কানে তুলেন নাই,  
অত্যাচার গ্রাহ করেন নাই, অন্তর্কৃত্তিকের  
শুভতর্কে বিচলিত হন নাই।

সহস্রবাধা, সহস্রবিধ, কত যুগপ্রলয় অতি-

## দুর্গা

ক্রম করিয়া, মহামায়ার ইতিহাস-কথা এখনও পর্যন্ত হিন্দুর স্মৃতিসরোবরে চিরপ্রফুল্ল কমল-মাধুর্যে ফুটিয়া রহিয়াছে। বর্তমান যুগশিক্ষার শিক্ষিত হইয়াও, হিন্দু তাহা ভুলিতে পারিল না।

তাহারা এখনও মনে করে, দশদিক-ব্যাধিনী শক্তি লইয়া সনাতনধর্মের বীজমন্ত্র এই যুগ্মরী দশভুজার হৃদয়মধ্যে লুকাইয়া আছে। তাই মাতৃ-ভক্ত পূজাস্তে ভক্তিগদগদ-কণ্ঠে অগজ্জননী দুর্গতিনাশিনীকে উদ্দেশ্য করিয়া বলিয়া থাকেন—

দেবি প্রপন্নার্তিহরে প্রসীদ  
প্রসীদ মাত জগতোহখিলস্য ।  
প্রসীদ বিশ্বেশ্বরি পাহি বিশ্বং  
স্বামীশ্বরী দেবি চরাচরস্য ॥

হে শরণাগতহঃখনাশিনী দেবি, তুমি  
প্রসন্ন হও ; হে অখিল জগতের জননি তুমি  
প্রসন্ন হও ; হে বিশ্বেশ্বরি তুমি প্রসন্ন হও ;

হুর্গা

সমুদ্র জগৎ পালন কর ; হে দেবি তুমি  
চরাচর জগতের ঈশ্বরী ।

ভক্ত আপনাকে ভুলিয়া গিয়া চিরদিন  
জগতের কল্যাণের জগুই ব্যাকুল হইয়াছেন ।  
কেবল বলিয়াছেন—সমুদ্র জগৎ পালন কর ।

শ্রীহুর্গার আগমনে তোমরা ঢাক ঢোলের  
বাজে আনন্দ প্রকাশ কর ; ক্ষুধার্ত্ত মায়ের  
প্রসাদ প্রাপ্তির আশায় আনন্দ প্রকাশ করে ;  
গৃহস্থ তাহাদিগকে ভোজন করাইয়া আনন্দ  
প্রকাশ করেন । কিন্তু তোমরা ত জান না—  
ওই উপবাসী শীর্ণকায় ব্রাহ্মণ শ্রীহুর্গার প্রতি-  
মার পার্শ্বে বসিয়া, একখানি তালপত্রের পুঁথি  
পাঠ করিতে করিতে কি অতুল আনন্দ উপ-  
ভোগ করে ! ওই তালপত্রের পুঁথিটা শ্রীহুর্গার  
লীলাকথার পরিপূর্ণ । ব্রাহ্মণ সেই লীলাগানে  
তন্ময় । সেই পবিত্র কাহিনী বর্ণনার পাছে  
একটাও পবিত্র অক্ষর ভ্রষ্ট হয়, সেই ভয়ে  
সংযতচিত্ত ভক্ত পুস্তিকার নিবন্ধ-দৃষ্টি—সুংসার

ছর্গা

ভুলিয়া বসিয়া রহিয়াছেন ! ক্ষুধাতৃষ্ণা তাঁহার  
কাছে আসিতে ভুলিয়া গিয়াছে, লোককোলাহল  
কতবার কণ্ঠকুহরে প্রবিষ্ট হইতে গিয়া পরাস্ত  
হইয়া ফিরিয়া আসিয়াছে !

এস ভাই ! আমরাও সকলে মিলিয়া  
ভক্তগণের পদাঙ্কানুসরণ করিয়া জগন্মাতার  
আবাহনকরে করজোড়ে বলি :—এস ছর্গে,  
এস জগদম্বিকে নারায়ণি ! সংসারক্লেশদণ্ড  
তোমার পুত্রকণ্ঠাগুলির কল্যাণসাধনের জন্ত  
একবার আমাদের গৃহে এস। এস মা  
কল্যাণরূপে, সম্পদরূপে, সিদ্ধিরূপে ; এস মা  
প্রতিষ্ঠারূপে, লক্ষীরূপে, শক্তিরূপে ; এস মা  
তোমার চিরপ্রিয় বালকবালিকার পরমপ্রিয়  
মাতুরূপে। শ্রীচরণ স্পর্শে আমাদের গৃহ  
পবিত্র কর। ভক্তি প্রীতি চেতনা ও শক্তি দান  
করিয়া আমাদের সংসারকে দেবসংসারে  
পরিণত কর। তোমার কৃপায় তোমার ভক্ত-  
গণের গৃহে চিরসুখ চিরশান্তি বিরাজ করুক।

दुर्गा

सर्वमङ्गलमङ्गल्ये शिवे सर्वार्थसाधिके ।

शरण्ये त्रायके गौरी नारायणि नमोऽस्तुते ॥

शरणागत-दीनार्थ-परित्राण-परारणे ।

सर्वस्यार्तिहरे देवि नारायणि नमोऽस्तुते ॥

सर्वस्वरूपे सर्वेशे सर्वशक्ति समष्टिते ।

तस्मै नमः त्राहि नो देवि दुर्गे देवि नमोऽस्तुते ॥

शान्तिः शान्तिः शान्तिः !



শ্রীযুক্ত ক্ষীরোদপ্রসাদ বিদ্যাবিনোদ এম, এ

প্রণীত

## প্রহ্লাবলী ।

নাটক ।

( ঐতিহাসিক )

(১) প্রতাপাদিত্য—বেঙ্গলী দুই স্তম্ভব্যাপী সমালোচনার বলিয়াছেন, “ইহা যথার্থতঃ বাঙ্গালীর জাতীয় নাটক । ‘বিজয়া’ বাঙ্গালার মর্মান্বিতা শক্তি ; প্রতাপ তাহার সাধক, সূর্য্যকান্ত গুহ উত্তর সাধক ; শঙ্কর চক্রবর্তী পুরোহিত ।” মূল্য, এক টাকা ।

(২) পলাশীর প্রারম্ভিক—নবাব মীরকাসিমের প্রাণকে প্রক্ষুণ্ণিত করিবার জন্তই যেন শক্তিময়ী ‘বিজয়া’ এবারে নর্ত্তকীরূপে বীর মোহনলালের কণ্ঠ হইয়া জন্মিয়াছেন । পিতা ও পুত্রী মুরশিদাবাদের উদ্যানে বসিয়া পলাশীর রণক্ষেত্র সম্বন্ধে যে কথোপকথন করিয়াছিলেন, নাটকের সেই অংশটুকু পাঠ



করিলেই যুগের চিন্তা আসিয়া পাঠককে এক স্বপ্ন-  
রাজ্যে বহন করিয়া লইয়া যাইবে। মূল্য, এক টাকা।

(৩) নন্দকুমার—ইহা মহারাজা নন্দকুমারের  
জীবন্ত চিত্র। আজ দেড়শত বৎসর পরে, সপ্ততি-  
বর্ষীয় স্ববির নিজের সমস্ত দুঃখ কাহিনী লইয়া উন্মুক্ত  
হৃদয়ে আপনাদের সমক্ষে উপস্থিত হইবেন। মূল্য,  
এক টাকা।

শ্রীযুক্ত বিপিনচন্দ্র পাল নিউইঞ্জিয়াতে লিখিয়া-  
ছেন—‘প্রতাপাদিত্য’ অপূর্বগ্রন্থ হইলেও, ‘পলাশীর  
প্রায়শ্চিত্ত’ নাটককে তাহা হইতে উৎকৃষ্ট; কিন্তু  
‘নন্দকুমার’ তাঁহার নাটকীয় শক্তির পরাকাষ্ঠা।

(৪) পদ্মিনী—বাংলা হইতে কিঞ্চিৎ দূরে, মাতৃ-  
ভূমির অপরাংশে শ্রেষ্ঠবীরগণের লীলাভূমি চিতোরের  
শ্রেষ্ঠ সূন্দরী, মহীয়সী রমণী পদ্মিনী; আর সেই মাতৃ-  
ভূমির পুঙ্ক গোরা ও দ্বাদশ বর্ষীয় বালক বাদল!

স্বনাম-ধন্য মহাত্মভব সর্বপরিচিত ব্যারিষ্টার  
স্বকবি শ্রীযুক্ত চিত্তরঞ্জন দাস পদ্মিনীর অভিনয়ে সম্রাট  
আলাউদ্দীনের চিত্র দেখিয়া বলিয়াছেন—“একপ  
অদ্ভুত চরিত্র প্রাচ্য ও প্রতীচ্য সমস্ত নাট্য সাহিত্যে  
নূতন।” মূল্য, এক টাকা।

(৫) চাঁদবিবি—দক্ষিণাত্যে বিজাপুরের রাণী, আমেদনগরের রাজনন্দিনী—রমণীকুলের ভূষণ স্বরূপা চাঁদুলতানার চরিত্র পাঠে শুধু আনন্দ নয়, পুণ্য আছে। মূল্য, এক টাকা।

হাইকোর্টের ভূতপূর্ব বিচারপতি শ্রীযুক্ত শারদা-চরণ মিত্র মহোদয় লিখিয়াছেন—“বালেশ্বরের সমীপে সমুদ্রতীরে এক নির্জন কুঞ্জে বসিয়া তোমার চাঁদবিবি পাঠ করিলাম। সমুদ্রোন্নী ও তোমার ভাষার তরঙ্গ, মধ্যে বসিয়া আনন্দানুভবের এই উপযুক্ত স্থান।”

বন্দেমাতরং সম্পাদক শ্রীযুক্ত অরবিন্দ ঘোষ মহাশয় অভিনয় দেখিয়া এই কথখানি নাটক সম্বন্ধে লিখিয়াছেন—“এই অপূর্ব পুস্তকগুলি স্বদেশের উন্নতি করে যথেষ্ট সহায়তা করিয়াছে। বাংলার শত শত স্থানে অভিনীত হওয়ার লক্ষ লক্ষ লোক (millions) ইহা দ্বারা বাংলার মহিমা অবগত হইয়াছে।”

( কিংবদন্তী )

(৬) রঞ্জাবতী—ধর্মমঙ্গল অবলম্বনে বিষ্ণুপুর ও অন্ধিকানগরের পুরাকাহিনী লইয়া লিখিত। সহস্রাধিক বৎসর পূর্বের স্বাধীন বাংলার অভ্যন্তরীণ

অবস্থা, এবং তৎকালীন ডোম বাগ্দী প্রভৃতি নীচ জাতীয় বাঙ্গালীর স্বদেশনিষ্ঠা, প্রভুভক্তি ও অমানুষিক বীরত্বের যদি আভাস জানিতে ইচ্ছা করেন, তাহা হইলে এই পুস্তক পাঠ করুন। মূল্য, একটাকা।

### ( পৌরাণিক )

(৭) সাবিত্রী—কারোদ বাবুর 'সাবিত্রীর' নূতন পরিচয় দিতে হইবে না। নাটকে এরূপ মধুর চরিত্র অতি অল্পই আছে। হাইকোর্টের ভূতপূর্ব বিচারপতি শ্রীযুক্ত সার গুরুদাস বন্দ্যোপাধ্যায় বলিয়াছেন—  
“আপনার পবিত্র লেখনীর উপযুক্ত—অপূর্ব—  
গম্ভীর।”

(৮) উলুপী বা বক্রবাহন—এক উলুপী চরিত্র যেখিলেই বুঝিবেন, ভারতীয় যুগে বাঙ্গালী জননী কিরূপ ছিলেন, আর এখন তিনি দেশের দুর্ভাগ্যে কিরূপ হইয়াছেন। বঙ্গবাসী বলিয়াছেন—“ইহার চরিত্র সেক্সপিয়রের চরিত্রের সঙ্গে তুলনীয়।”

### ( উপন্যাসিক )

(৯) জুলিয়া—মধুর সংযোগান্ত নাটক—পড়িলে ভাব স্রোতে ভাসিয়া যাইতে হয়। ইহার রস মাধুর্য্য

ক্ষীরোদবাবুর সমস্ত নাটককে পরাস্ত করিয়াছে। মূল্য, বার আনা।

(১০) দৌলতে ছনিয়া—অলৌকিক ব্যাপার লইয়া লিখিত। ভাষা ও ভাবের লালিত্যে শিকার সঙ্গে সঙ্গে মধুরতার প্রাণ পূরিয়া যাইবে। মূল্য আট আনা।

### রঙ্গনাট্য।

(১১) আলিবাবা—লক্ষ লক্ষ লোকে ইহার অভিনয় দেখিয়াছেন; কিন্তু বাদী মরজিনার হাবভাব নৃত্যের মধ্যে তাহার গাভীর্য্য তেজস্বিতা ও ধর্ম্য কয়জন লক্ষ্য করিয়াছেন? মূল্য, আট আনা।

(১২) বেদৌরা—এরূপ হাশুরসোদীপক নাটক অতি অল্পই আছে। ইহার গান বড়ই মধুর। মূল্য, আট আনা।

### রূপক নাট্য।

(১৩) প্রমোদ রঙ্গন—রূপক নাট্য বলিলে, একটা দুর্কোষ্য ব্যাপার বুঝিবেন না। এমন সুকোশলে গ্রন্থকার “শান্তি” ও “মুক্তি” দুইটা সখীকে প্রাণময়ী প্রতিমারূপে গড়িয়া “মানুষ” খুঁজিয়া উপহার দিয়াছেন

যে, সহস্র সহস্র দর্শক তাঁহাদের মূর্তি দেখিয়া মুগ্ধ হইয়াছেন। ইহার এক একটা গান এক একটা কোহিনুর। মূল্য, আট আনা।

### গীতিনাট্য।

(১৪) বৃন্দাবন-বিলাস—বৈষ্ণব কবিগণের রত্ন সংগ্রহ করিয়া একটা মালিকা রচনা করা হইয়াছে। গানগুলি সাজাইবার কোশলে ইহা একখানি সুখপাঠ্য নাটক। মূল্য, ছয় আনা।

(১৫) বরুণা—ইদানীং এরূপ সরস নাটক দেখিতে পাওয়া দুর্লভ। সহস্র সহস্র লোক ইহার অভিনয় দেখিয়া, ইহার অলৌকিক গল্পচাতুর্য্যে মুগ্ধ হইয়া, ইহাকে গীতিনাট্যের শ্রেষ্ঠ বলিয়া স্বীকার করিয়াছেন। মূল্য, আট আনা।

### প্রহসন।

(১৬) দাদা ও দিদি—প্রহসন গুলিতেই লোক বিশেষের কুৎসা মনে করিবেন না। তবে যিনি চারি আনা অপব্যয় করিতে সাহস করেন, তিনি 'চন্দ্রদ্বীপ' হইতে 'হট্টমালা'র দেশে সুস্বাগত এই 'দাদা' ও

‘দিদিকে’ দেখিয়া তৃপ্তি লাভ করিতে পারিবেন।  
মূল্য, চারি আনা।

### নক্সা।

(১৭) বাসন্তী—হাস্তরসের আধার, বাসন্তী  
শোভার মেলা, হুঃখে শান্তি—বাসন্তী। মূল্য, চারি  
আনা।

(১৮) ভূতের বেগার—এতকাল চাকরী করিয়া  
আমরা কেবল ভূতের বেগার দিতেছি ; এবং বংশধর-  
দিগের ভবিষ্যৎ চিন্তায় মৃত্যুকে ভীষণতর করিয়া  
তুলিতেছি। তবে কি আমাদেরকে এ বিষয় চিন্তার  
হাত হইতে রক্ষা করিতে কেহ নাই ? মুক্তিদায়িনী  
আমাদিগের অপেক্ষা করিতেছেন। শুধু ভক্তিসহকারে,  
আমাদিগের তাঁর শরণ লইবার প্রয়োজন। গ্রন্থকার  
নিজে লইয়া আপনাদিগকে আহ্বান করিয়াছেন।  
মূল্য, চারি আনা।

### কাব্যনাট্য।

(১৯) রঘুবীর—প্রবল অত্যাচারীর উৎপীড়নে,  
বীর প্রকৃতি সাধু পরিণামে কিরূপে দস্য হইয়াছিল,  
তাহার একটি উজ্জল প্রাণময় চিত্র। তাবুক যুবকের

সর্বতোভাবে দ্রষ্টব্য। শুধু তাই নয়, অভিনীত  
করিয়া অপরকে দেখানও কর্তব্য। শ্রবণ বিমোহন  
ছন্দ—স্বর্গীয় ভাবস্রোত, চরিত্রাক্ষেপে অসাধারণ  
কৌশল। মূল্য, এক টাকা।

(২০) অশোক—জগতের শ্রেষ্ঠ সম্রাট আমাদেরই  
ঘরের রাজর্ষি মহারাজ অশোকের চরিত্রাবলম্বনে।  
আলেকজান্ডার, সীজার, নেপোলিয়ান, অল্প শিক্ষিতের  
কাছেও পরিচিত; অথচ মহারাজ অশোক আমাদের  
হারাইয়া শোকাক্ত। এ সম্বন্ধে আমাদের বলিবার  
কিছুই নাই। বাহার অভিরুচি হইবে। মূল্য, এক  
টাকা।

## উপন্যাস।

(২১) নারায়ণী—সিপাহী বিদ্রোহকালীন ছোট-  
নাগপুরের একটা ঘটনা অবলম্বনে লিখিত। ইহাই  
যথার্থ গ্রন্থকারের প্রথম উপন্যাস। কিন্তু এরূপ  
লোমহর্ষণ উপন্যাস পাঠ করিতে ইতস্ততঃ করিলে, হে  
উপন্যাস পাঠক! আপনার পাঠ করা-অসম্পূর্ণ রহিয়া  
যাইবে। মূল্য, দেড় টাকা।

(২২) বিরামকুঞ্জ—কীরোদবাবুনাটকে যেমন  
সিদ্ধহস্ত গল্পেও তেমনি। ইহাতে যে কয়েকটি  
সুন্দর চিত্তাকর্ষক গল্প আছে তাহা পাঠ  
করিয়া সকলেই তৃপ্তি পাইবেন। সুন্দর ছাপা ;  
সুদৃশ্য বাঁধাই ; উপহার দিবার বিশেষ উপযুক্ত। মূল্য,  
বার আনা।

প্রকাশক—শ্রী গুরুদাস চট্টোপাধ্যায়  
২০১, কর্ণওয়ালিস স্ট্রীট, কলিকাতা।

---









